

Nguvu Ya Mungu Ya Kubadilisha Umbo

Tucson, Arizona, Amerika
Septemba 11, 1965

1 Asante Ndugu Williams. Habari za asubuhi marafiki. Ile familia ya Shakarian, Ndugu Williams na Dada Williams na wengi wao hapa sasa kuhusu hilo. Nililiona hilo katika ono, kwenye miaka miwili hadi mitatu kabla dada huyo hajaugua, na likatukia.

Na mwaka uliopita tulipokuwa hapa, naamini ilikuwa katika Januari, kwenye mkutano, ulikuwa ni ule wakati amba yule padri (jina lake nani? Nasahau jina lake sasa) alikuwa hapa. [Mtu Fulani anasema, "Stanley." -Mh.] Stanley, Askofu Stanley, kutoka Kanisa Katoliki. Mnakumbuka aliponiletea Biblia, unajua, na akaniambia.

Ilikuwa watu kadha wa kadha waktabiri, "Binti yangu, umepona."

Na yeye alijua kuwa lile ono lilisema kuwa dada huyo hangepona. "Angekufa kati ya saa nane na saa tisa asubuhi." Mnakumbuka hilo? [Mtu fulani anasema, ""Ndiyo." -Mh.] Kwa hiyo, saa nane au saa tisa.

2 Na sikuweza kumwambia Demos. Na bado nilimwambia mama yake wa kambo, pale pale chumbani, upande wa pili kutoka hapa. Nilisema, "Hatapona."

Bibi Shakarian akasema, "Vema, kila mtu anatoa unabii."

Nikasema, "Bila shaka, ningeweza kukosea, mimi mwenyewe, lakini nililisema hilo. "Hatapona."

Niliwaambia wengi wao, kwenye miaka mitatu iliyopita, "Nilimwona akipambana kuokoa maisha yake, na akaenda kitandani. Na akainua mikono yake na akanipigia kelele, namna ile. Na si-sikuweza hata kumfikia. Na ndipo nikamwona akifa. Na nikatazama, na kulikuwa na kitu fulani, palikuwepo na saa ya ukutani, na ilisema ni kitu kama kati ya saa nane na saa tisa.

Na hivyo askofu akasema, "Vema, tutatazama tu tuone jinsi hilo litakavyotukia." Kwa hiyo likuwa kutukia.

3 Tunasikitika bila shaka. Naisikia kanisa limempoteza mtu mkuu, katika Dada Florence Shakarian. Lakini, alikuwa mwimbaji mkuu, alikuwa mwanamke aliyejazwa Roho.

Nilikuwa na mama yake; mama yake alikuwa mmoja wa watu nilionana nao kwanza kule Pwani ya Magharibi, mama yake alipoponywa. Wakati madaktari ... Alikuwa amepoteza fahamu, na kuvimba kote. Na kwa hiyo yule-yule daktari aliyejazwa pale akaniambia, akasema, "Sasa uwe mkimya kweli unapoomba. Usipige kelele nydingi. Yule mwanamke anakufa."

Nikasema, "Ndiyo, bwana."

Na akasema, basi, akaendelea tu kuniambia. Na, vema, sikuwa hata na nafasi ya kufungua mdomo wangu, kama.

4 Hivyo, ilikuwa ni Ndugu Demos aliyeniambia niendelee na kupanda ngazi.

Hivyo, nikapanda ghorofani. Na Florence alikuwa amepiga magoti sakafuni, akiwa msichana mdogo mzuri, na wanawake wengine zaidi. Na nikaenda na kumwombea na kusema hilo. Na alikuwa amepoteza fahamu. Na nilimwambia angeinuka tena. Na alifanya hivyo. Miaka kadhaa baadaye, akafa. Na sasa Mungu hujibu maombi yetu.

Na tunajua hilo, tunaamini kuwa sote tumekuja hapa kwa mapenzi ya Mungu, na tunaamini hivyo hivyo. Mmoja baada ya mwingine, kila mmoja tutavuka lile lango. Na hiyo ndiyo sababu tupo hapa asubuhi hii, tumekusanyika pamoja katika huu Ushirika wa Wafanyabiashara wa Kikristo, ni kuzungumza juu ya haya mambo, na kuijandaa kwa ajili yake, kwa sababu tunajua hakika yatakuja.

5 Sasa Dada Florence ni mwanamke kijana, mwenye umri wa miaka arobaini na miwili, Ndugu Williams aliniambia, kitambo kidogo kilichopita, na kijana sana. Lakini kabla wao, yeye alijua kuwa yeye alikuwa na huu ugonjwa, kwa nini, niliona ono juu yake na nikaambiwa matokeo yake. Ndipo ingekuwa Mungu anajua yote kuhusu hilo, na

yeye kumwona Yesu chumbani kabla hajaondoka. Hatutaki tu kumwombea, kwa sababu tumefanya hilo mno. Tunataka tu kumshukuru Mungu kwa maisha yaliyokuwa mionganoni mwetu, ambayo yalituvuvia sote, kama Dada Shakarian.

Na tunataka kumwombea Ndugu Demos na Dada Rose. Na kumbuka, wamekwishapata kipigo kikubwa katika maisha yao, tangu ... ni baba yake, na dada yake sasa katika ... miaka iliyopita. [Mtu fulani ananena kwa Ndugu Branham-Mh.] Lakini, na, naam, isiyozidi, isiyozidi, miezi kumi, na dada, Dada Edna, pia.

6 Hivyo, ninajua kumhurumia Ndugu Demos. Nilikuwa na baba, kaka, mke na mtoto, walioondoka kwa kuachana siku chache chache, hivyo nina-ninajua jinsi anavyojisikia asubuhi hii. Utaweza tu kujua wakati unapoififikiria kusimama katika nafasi ya mwingine, ndipo hapo unapojuia jinsi ya kuona huruma. Na ...

[Zile mashine za kukuza sauti zinatoa sauti kali-Mh.] Nilifanya hilo mimi mwenyewe. Samahani. Niligonga kidude mahali fulani chini hapa, kwa mkono wangu. Kwa hiyo, sa-samahani niliongeza sauti kupita kiasi, na bila ya kukusudia kufanya hivyo.

Hivyo hebu tusimame sasa tunapo ... ikiwa mnawenza, ikiwa ni ... Hebu tuinamishe vichwa vyetu.

7 Baba wa Mbinguni, tumekusanyika hapa asubuhi hii kukuabudu Wewe, na kukupa shukrani na sifa, kwa kumtuma Yesu Mkombozi wetu, kwamba tunalo tumaini baada ya maisha haya kukoma, hali tukiona ni mashaka mno kwamba tunaishi hapa wakati wote. Na, Baba, tukiona hali za unyonge ambazo miili hii yaweza kuingia, tunafurahi kuwa hatuna lazima ya kukaa hapa wakati wote. Wewe umeweka njia ya kutokea, kupertia bonde la mauti.

Na , Baba, tuna shukurani Kwako asubuhi hii, kwa ajili ya maisha ya mmoja ambaye alikaa pamoja nasi katika ushirikiano, chini ya mwaka mmoja uliopita, akiimba sifa Zako; Dada Florence Shakarian, kama tulivyomjua. Na Wewe ulituambia zamani kabla, hata miaka, hili lilikuwa linakwenda kutukia, kwamba lisingegekuja kuwa mshtuko mkubwa zaidi kwetu. Na tunajua kile Wewe unachosema ni kweli. Na ndipo Neno Lako linasema, "Mtu aliyezaliwa na mwanamke, ameja siku chache na ameja taabu." Na tunajua hilo ni kweli, vile vile, Bwana. Tunajua sote ni lazima tuje chini kupertia lile bonde. Kwa hiyo tunakushukuru kwa ajili ya maisha yake yaliyokuwepo, hapa duniani. Na kuamini kwa imani, kwamba sasa, asubuhi hii, yeye ameondoka kutoka hii maskani sumbu yenye taabu, kuingia katika mwili wa utukufu ambao kamwe hauwezi kuugua. Na vipaji vyake vya uimbaji, na ile sauti aliyokuwa nayo, na roho yake iliyoneemeshwa mno na Kristo! Kwamba angweza kurudi asubuhi hii, hangefanya hilo kwa vyovypote vile; ingepasa apitie hili lote tena. Ambapo, sasa hili limekwisha, yupo na mama yake na baba yake. Walimwita mtoto wao, nyumbani. Kwa hiyo, tu-tunakushukuru Wewe.

8 Tunataka vile vile kuomba kwa ajili ya faraja, kwa ajili ya ndugu yetu Shakarian, ndugu yetu mpendwa, sana tukijua yale-yale maisha aliyoishi, na mateso anayopitia katika siku hizi za mwisho, na jinsi alivyo. Tunapomwona yeye akizeeka, na nywele zake zikiondoka, na mabega yake yakiwa na kibiongo, na bado akijaribu kukaa katika shamba la huduma kwa ajili ya ya Mungu. Mungu, mpe nguvu leo. Tunaomba , Mungu kwamba utatujalia hilo. Kwa wale wote walioachwa katika hali ya ukiwa kutokana na yeye kwenda, tunaomba kwa ajili ya kila mmoja.

Na hebu sisi, Bwana, tunapowazia hili, tukumbuke kuwa sisi lazima pia tuende siku fulani. Tunapoketi pamoja hapa katika Uwepo wa Bwana Yesu, tungeomba kuwa ungelileta hili upya kwenye kumbukumbu zetu. Na hebu tujikague, kama ilivyokuwa, au tuhesabu ya maisha yetu wenyewe moja moja, kwamba tuko chini ya Damu na katika Imani. Tujalie hilo, Bwana.

9 Sasa ninapajaribu katika hali hii iliyopo, kuleta ujumbe mdogo kwa watu, leo, naomba kuwa Wewe utanisaidia, Bwana. Nitie nguvu, kwani na-naihitaji hiyo, Bwana. Na naomba kuwa utanijalia hiyo. Na hebu jambo fulani lisemwe ambalo litakupa Wewe heshima. Na ikiwa kuna yejote anayesikia mlion wa sauti yetu asubuhi hii, ambaye hayuko tayari kuyakabili mambo yahusuyo saa iliyoko mbele yao, huu uwe wakati ambao watajisalimisha Kwake Yeye aliyesema, "Mimi ni Njia Uzima, Kweli," Bwana wetu Yesu Kristo. Kwani tunaomba hilo katika Jina Lake. Amina. (Mnawenza kuketi.)

10 [Mtu fulani jukwaani ananena na Ndugu Branham-Mh.] Ndugu hapa anataka kujua ikiwa kila mtu anaweza kusikia vizuri. Ameweka vipasa sauti viwili. Hilo ni sawa?

Mnaweza kusikia? Inueni mikono yenu ikiwa mnaweza kusikia. Mnaweza kusikia; inueni mikono yenu. Vema.

Nasikitika kuwa hatuna nafasi ya kutosha kuketi kwa ajili ya kila mmoja asubuhi hii. Na tutumaini kuwa sitakaa hapa juu kwa muda mrefu kupindukia, ni wa kutosha tu labda kutuletea labda kusoma kwa Neno; kwamba Bwana Mungu ataliheshimu Neno Lake linalosomwa, na atatupa neema Yake, kwamba tuweze kumtumikia Yeye kwa hilo.

11 Sasa niliambiwa na Billy Paul, asubuhi hii, kwamba ingewezekana tukahubiri Jumapili ijayo kwenye Grantway Assembly of God, kule Tucson. Ikiwa kuna yeoyote kutoka Tucson, ingewezekana nisionane naye juma hili. Nitakuwa kule Grantway Assembly of God, Jumapili ijayo.

Kwa hiyo tumerudi tu toka Mashariki, na nimejinyong'onyeza mwenyewe kidogo kiafya, kwa kula zaidi; kwa ukarimu wa kuzidi wa watu chini kule milimani. Na-na niliugua, kwa hiyo sijajisikia vizuri juma hili. Kwa hiyo mniombee.

12 Na ...

[Mtu fulani anasema, "Opossum wengi mno." -Mh.] Unasema nini? ["Opossum wengi mno."] Ndugu Carl Williams akiwa na utani wake, na nafikiri tunauhitaji sasa, alisema, "Opossum wengi mno." Sijui kuhusu hilo, Ndugu Carl, lakini kindi wengi. [Ndugu Branham anacheaka.] [Opossum ni mnyama mweupe mwenye mkia wenye nguvu ya kushika, akaaye kwenye miti katika Amerika-Mh.]

Kwa hiyo mnataka kumwombea mtu fulani asubuhi hii, mbona, ha-hakika nashukuru ikiwa ingekuwa baadhi ya maombi yenu kwa ajili yangu, kwa sababu, na-nayahitaji.

Sasa tunataka kwenda kwa haraka katika Neno.

13 Na sitaki kuwaweka hapa kwa muda mrefu kupindukia, kwa sababu naamini kuna mtandao wa simu uliouunganishwa kote katika taifa, asubuhi hii hii, unakwenda kote kutoka Pwani ya Magharibi hadi Pwani ya Mashariki, kutoka Kasikazini na Kusini. Makusanyiko mengi mengi yamepewa hii fadhila ambayo ninyi hapa mliipata kutoka kule Hekaluni. Phoenix nayo imeunganishwa katika mtandao, kwamba kila mahali ibada ziliko, inakuja moja kwa moja katika ... Na wanakusanyika makanisani na majumbani, na vitu kama hivyo, inafanyika vizuri sana. Wanasema hata ni nzuri zaidi kuliko kutangaza kwa redio. Imeunganishwa kwa simu, wanaweka chombo cha kupokelea simu kwenye kipaza sauti, au chochote kile, chumbani. Na wana ... Mke wangu alisema, tukitokea India juma lililopita, kutelemkia Tucson, ilikuwa tu ni kama kusimama pale pale chumbani. Kwa hiyo tunaomba kwamba Mungu atawabariki wote walioko kwenye simu asubuhi hii, popote waliko. Kule New York sasa itakuwa, ee, mchana, na nyakati tofauti unapopita kote katika taifa.

14 Sasa pale katika Kitabu cha Warumi, ile sura ya 12, na ile aya ya 1 na ya 2 tunataka-tunatakai kusoma hili Andiko.

Basi, ndugu zangu, nawasihi, kwa huruma zake Mungu, itoeni miili yenu iwe dhabihu iliyo hai, takatifu, ya kumpendeza Mungu, ndiyo ibada yenu yenye maana.

Wala msifuutilishe namna ya dunia hii; bali mgeuzwe kwa kufanywa upya nia zenu, mpate kujua hakika mapenzi ya Mungu yaliyo mema, ya kumpendeza, na ukamilifu.

Sasa, Bwana akipenda, nataka kuchukua somo langu kwa ajili ya asubuhi hii, juu ya Nguvu ya Mungu ya Kubadilisha Umbo.

Kwamba msifuutilishe namna ya dunia hii.: bali ... mgeuzwe kwa kufanywa upya nia zenu, sasa, na mpate kujua hakika yale ambayo ni mapenzi ya Mungu yaliyo mema, makamilifu na ya kumpendeza.

15 Ni fungu la maneno la zamani lililozoleka ambalo wengi wa wachungaji wenu wamelitumia wakati wote ambaa mmekuwa nao. Limekuwa likitumika tangu liandikwe. Lakini bado, jambo moja kuhusu Neno la Mungu, kamwe halizeeki, kwa sababu ni Mungu. Kamwe halizeeki. Kupitia kila kizazi sasa, kwa karibu kabisa, kwenye miaka elfu mbili na mia nane, au zaidi, hili Neno la Mungu limekuwa likisomwa na watu, makuhani, na kadhalika, na kamwe halizeeki. Mimi mwenyewe, nimekuwa nikilisoma Hili, kwa miaka thelathini na tano. Na kila wakati ninapolisoma, ninakuta kitu fulani kipyaa ambacho nilikiruka mara ya kwanza. Kwa sababu, limevuuviwa, ni Mungu katika umbo la herufi. Unaona, ni sifa za Mungu zikiendelea kunena, na kuwekwa kwenye karatasi.

16 Mara nyingi, mtu alisema, "Vema, sasa, watu waliandika hii Biblia." Hapana. Biblia inasema, Yenyewe, kwamba Mungu aliandika Biblia. Ni Neno la Mungu.

Na kamwe halitaweza kushindwa. Yesu alisema, "Mbingu na nchi zitashindwa, zitapita, lakini Maneno Yangu hayatashindwa kamwe." Na haliwezi kushindwa, na likiwa Mungu, kwa sababu ni sehemu Yake.

Na ndipo wewe ukiwa mwana na binti, wewe ni sehemu ya Hilo, na hilo hukufanya sehemu Yake Yeye. Hivyo ndiyo sababu tunakuja kushiriki pamoja kwenye Neno la Mungu.

17 Sasa hili neno kilichobadilishwa umbo nilitazama katika kamusi, jana, wakati karibu nishindwe kufuatia muda ambao ilipasa niwe juu hapa, nilipokuwa nikitafuta mada ya kuhubiria, na nikapata hili neno, au mada hii ya kuhubiria, namaanisha, Andiko. Na katika kamusi inasema kwamba ni "kitu fulani kilichobadilishwa." Inapasa "kubadilishwa." Kilichobadilishwa umbo, "kimefanywa tofauti na kilivyokuwa." Kimekuwa, "Tabia yake na kila kitu kimebadilishwa ndani yake," kubadilisha umbo.

18 Na nikifikiri asubuhi hii, katika Mwanzo 1. Huu ulimwengu haukuwa na umbo, na ulikuwa utupu, na giza lilikuwa juu ya nchi; hakuna chochote ila vurugu tupu. Na huu ulimwengu ulipokuwa katika ile hali, Roho wa Mungu alitembea juu ya uso wa maji, na picha yote ilibadilishwa, kutoka kwenye vurugu tupu, kuwa bustani ya Edeni. Hiyo ni Nguvu ya Mungu ya ianyobadilisha umbo, ambayo inaweza kuchukua kitu fulani ambacho si chochote na kukifanya kitu fulani kizuri katika kutokana na hicho. Nguvu ya Mungu ya inayobadilisha umbo!

19 Na tunafahamu kuwa, kwa-kwa kusoma Maandiko, kwamba Mungu alikuwa kwa miaka elfu sita akifanya maandalizi haya kwa ajili ya hii Edeni. Sasa, Yeye anaweza kuwa hakuchukua muda mrefu hivyo; ila tukitazamia tu, na kulichukua hili kutoka kwenye Andiko pale liliposema, "siku moja kwa Mungu, ni miaka elfu moja duniani," yaani, ikiwa Mungu angehesabu muda. Na kusema ilikuwa miaka elfu sita aliyokuwa nayo Yeye katika kuumba dunia, na Yeye alikuwa ameotesha juu ya nchi mbegu nzuri zote. Hapo kulikuwa tu na kila kitu kikamilifu.

Nafikiri, mara nyingi, wakati hata wakosoaji wanapoanza kusoma Kitabu cha Mwanzo, wanaanza kukikosoa, kwa sababu inaonekana kama kinaendelea kujirudia Chenyewe, au kinakutupa nje hapa na pale.

Lakini ikiwa tungeona kwa kitambo kidogo, kabla hatujaingia katika somo letu, kuwa, kuwa Musa aliona ono. Na Mungu alinena naye. Mungu alinena na Musa uso kwa uso, mdomo kwa sikio. Sasa, Yeye kamwe hakunena kwa mtu mwengine namna hiyo, kama Yeye alivyofanya kwa Musa. Sasa, Musa alikuwa mkuu, mmoja wa manabii wakuu zaidi ya wote. Alikuwa mfano wa Kristo. Na sasa Mungu anaweza kunena, Yeye ana sauti. Imesikika. Mungu anaweza kunena.

20 Na Mungu anaweza kuandika. Mungu aliandika zile Amri kumi kwa kidole Chake Mwenyewe. Aliandika juu ya kuta za-za Babeli zamani, kwa kidole Chake. Yeye aliinama chini na kuandika mchangani wakati mmoja, kwa kidole Chake. Mungu anaweza kunena. Mungu anaweza kusoma. Mungu anaweza kuandika.

Mungu ndiye Chemchemi ya neema yote na Uwezo, na Hekima yote ya Kiungu, iko ndani ya Mungu. Hivyo basi, tukijua kuwa, Yeye Ndiye pekee Muumbaji aliyeko. Hakuna Muumbaji mwengine isipokuwa Mungu. Shetani hawezি kuumba, kamwe, yeye hupotosha tu kile kilichokwishaumbwa tayari. Lakini Mungu Ndiye pekee aliye Muumbaji.

Kwa hiyo, Yeye aliumba kwa Neno Lake. Yeye alituma Neno Lake. Kwa hiyo mbegu zote ambazo Yeye aliziweka juu ya nchi, Yeye aliumba zile mbegu kwa Neno Lake Mwenyewe, kwani hakukuwa na chochote kingine ambacho mbegu zingefanyizwa kutokana nacho. Yeye aliziweka, na zilikuwa chini ya maji. Yeye alisema tu, "Kuwe na hiki, na kuwe na kile.

21 Sasa tunakuta kuwa, mara nyingi, inaonekana kama Biblia inarudia au inasema kitu fulani kwa kitu ambacho haikisemi. Kwa mfano, katika Mwanzo 1 tunakuta kuwa, "Mungu aliumba mtu kwa mfano Wake Mwenyewe, kwa mfano wa Mungu Yeye alimuumba; mwanamume na mwanamke Yeye aliwaumba." Na ndipo Yeye anaendelea, na mambo mengi yalitukia juu ya dunia.

Ndipo tunakuja kukuta hakukuwa na mtu wa kuilima ardhi. "Ndipo Mungu akaumba mtu kutoka kwenye vumbi la nchi." Huyo alikuwa mtu tofauti. "Naye akapulizia pumzi ya

uzima ndani mwake, naye akawa nafsi iliyo hai."

22 Mtu wa kwanza alikuwa katika mfano wa Mungu, ambao ni Roho. Yohana 4 , anasema, "Mungu ni Roho, na wale wamwabuduo Yeye lazima wamwabudu katika Roho na Kweli." Lakini Mungu ni Roho. Na mtu wa kwanza ambaye Yeye alimuumba, alikuwa mtu wa roho, naye alikuwa katika mfano na mwenye kufanana na Mungu.

Na ndipo akamweka huyu mtu katika nyama, na yule mtu akaanguka. Hivyo ndipo Mungu akashuka na kuwa mfano wa mtu, kwamba Yeye aweze kumkomboa yule mtu aliyeanguka. Hiyo ndiyo habari halisi ya Injili, kwa-kwa maoni yangu.

23 Sasa, Mungu, katika miaka elfu sita, alikuwa amepanda hizi mbegu nzuri zote, au Yeye alikuwa amenena Neno Lake. "Itakuwa hivi. Huu mti utakuwepo. Hii itakuwepo." Kila kitu kilikuwa kikamilifu. Kilikuwa kizuri tu. Na Yeye akaamuru kila moja ya zile mbegu kwamba zingejibadilisha zenyewe kuwa mmea wa namna fulani ya uzima ambao lile Neno la Mungu limenena ndani yake ziwe. Ikiwa ilikuwa mti mwaloni, ulikuwa uzae mti mwaloni. Ikiwa ulikuwa mchikichi, ulikuwa uzae mawese.

Kwa sababu, yule Muumba mkuu alikuwa tu, alituma Neno Lake, na Neno mbegu lilikuwa pale kabla mbegu halisi haijafanywa. Na Neno lilifanyiza mbegu. Unaona, "Yeye aliumba ulimwengu kutokana na vitu visivyoonekana." Unaona, Yeye-Yeye aliumba ulimwengu kwa Neno Lake. Mungu alinena kila kitu kikawepo.

24 Naye akiwa Mungu, Muumba, akinena kila kitu na kikaweko, lazima ulikuwa ulimwengu mkamilifu. Palikuwa-mahali pazuri. Ilikuwa paradiso halisi isiyoghoshiwa hapa duniani.

Sasa, kama, kila mahali inavyopasa pawe na makao makuu mahali fulani. Huu mkutano wa kiroho una makao makuu, na mkutano huu wa wahudumu una makao makuu, na kanisa lina makao makuu. Na Mungu ana makao makuu. Na hivyo hii sehemu kuu, taifa tunaloishi ndani yake, lina makao makuu. Na hivyo hii Edeni kuu ilikuwa na makao makuu, na makao yake makuu yalikuwa na kinara chake katika bustani ya Edeni, au katika Edeni, mashariki mwa bustani.

Na Mungu alimweka Mwana Wake na Bibi arusi wa Mwanawe, Adamu na Hawa, juu ya haya, watawale maumbile Yake makuu yote hapa duniani.

25 Na Mungu alikuwa Baba wa Adamu. "Adamu alikuwa mwana wa Mungu," kulingana na Maandiko. Yeye alikuwa mwana wa Mungu.

Na Mungu akamfanya msaidizi, kutoka kwenye mwili wake mwenyewe; labda ubavu kutoka juu ya moyo wake, ili huyo awe karibu naye, na akamfanya msaidizi. Ilikuwa bado huyu kuwa mke wake kwa kweli, kama ambavyo ilikuwa yeye ni mtu bado; Mungu alikuwa amelinena tu mara. Na pale ndipo tatizo lilipokuja, Shetani alimpata kabla ya Adamu kumpata. Kwa hiyo, ilikuwa tu Neno Lake alilokuwa amenena.

26 Nasema kuwa, sipendi kutumia muda mwingu mno juu ya hilo. Lakini baadhi yenu mnawenza kuchanganyikiwa kidogo, hasa baadhi ya watu juu kulekule Kusini, inaonekana kuchanganyikiwa kidogo juu ya Ujumbe nilio nao toka kwa Mungu leo, kwa watu, ule kuhusu uzao wa nyoka. Na nakwenda nyumbani, Bwana akipenda, siku moja ya siku hizi, kwenda Jeffersonville. Nataka kuwa na ujumbe wa kama masaa sita, na kunyoosha lile lote, unaona, hivyo italiweka katika hali ambayo utajua kile tunachokinenea. Na ni HIVI ASEMA BWANA. Ni kweli tu kama ilivyokuwa wakati lilipomwona dada yetu Florence kabla hajaondoka, miaka kadhaa. Unaona, ni ile Kweli. Na sasa, sisi, labda linaeleweka vibaya.

27 Ikiwa mtu fulani angekuja kwangu, kitu fulani kinyume, ningekielewa vibaya namna fulani, mimi mwenyewe. Singetaka kukosoa kile ye yeyote anachosema. Sisi sio wa kukosoana wao kwa wao. Sina hatia kwenye hilo; namshukuru Bwana. Nimekosoa dhambi na kutokuamini; lakini sio mtu binafsi, unaona, si-sifanyi. Sisi ni-sisi ni ndugu na dada, tukikazana, tunakuja chini pale Dada Florence alipokuja jana asubuhi, unaona. Yeye, sisi, inatupasa sote kuja njia ile. Na sio kusudi langu ku-kujaribu kumkosoa ndugu au dada ambaye hatakubaliana na wewe. Hapana, hilo liwe mbali na mimi kufanya hilo! Sidhani utawahi kupata kanda ambayo niliwahi kuita jina la mtu ye yeyote. Ambapo, nimejisikia hivyo mara nyangi mtu fulani alikuwa makosani, lakini hilo ni kati yao na Mungu. Lakini kosa ni nini, katika njia ya dhambi na ... Na kuelewa vibaya mara nyiningine wala siyo dhambi, ni kuelewa vibaya kwa watu tu. Na na-nadhani kila mmoja wetu ana haki kujieleza mwenyewe kuelewa kwetu.

28 Sasa huyu Muumbaji mkuu alikuwa amemweka mwana Wake aliyeumbwa katika nafsi aliyomwandalia. Sasa, Adamu alikuwa mwana Wake wa kwanza aliyeumbwa. Yesu alikuwa Mwana Wake pekee aliyezaliwa, unaona, Yeye alizaliwa na mwanamke. Lakini Adamu alikuwa moja kwa moja kutoka kwenye mkono wa Mungu, katika uumbaji.

Sasa yale makao makuu, na mwana Wake na bibi arusi wa mwana Wake akiwa juu ya yote, ilionekana kamilifu mno. Kulikuwa na m-mtu, mkuu wa yote, mwana Wake Mwenyewe na bibi arusi wake.

Na kila mbegu ilikuwa kamilifu, michikichi, na mialoni, na majani, na ndege, na wanyama. Na kila kitu kilikuwa katika utaratibu mkamilifu na Amri ya Mungu, "Usibadili asili yako. Izae ya jinsi yake, kila mbegu! Mwaloni, kamwe usipotoshwe kuwa mpapai." Unaona? "Mchikichi, usipotoshwe kuwa kitu kingine. Lakini kila mbegu kwa jinsi yake!" Na Yeye alikuwa-Yeye alilitazama tangu mwanzo wa nyakati hadi mwisho wa nyakati.

29 Na Yeye alikuwa amenena Neno. Na Nguvu Yake kuu ya kuumba ilikuwa imefanya hivi vitu vilivyoonekana, na hata mwanamume na mwanamke. Na wao walikuwa viongozi kwa sababu walikuwa ... walikuwa wa hali ya juu zaidi ya jamii nyingine zote. Na Yeye aliwaweka pia chini ya uangalizi wa kitu kile kile ambacho aliweka miti, wanyama, na kadhalika; Neno lake. Kamwe, kwa vyovytote, wasinge halifu lile Neno. Lazima wao wakae Pale. "Msiondoe kamwe chochote kutoka Hilo, au kuongeza chochote kwenye Hilo! Lazima muishi kwa hili Neno."

Na ili mradi vitu vyote vilivyoumbwa vingedumu namna ile, isingekuwepo haja Dada Shakarian awe ameondoka, asubuhi hii, ili mradi vingekuwa vimekaa namna ile, utaratibu mkuu wa uchumi wa Mungu! Ni kile tunachoamini ndicho tunachoelekea kukirejea. Tunarudi nyuma kwenye ile alama, mahali pale.

Wapi? Ile asubuhi ya saba, wakati Mungu alipotazama lote, na Yeye akasema, "Ni jema. Na-na-nafurahishwa nalo. Naam. Na-na-nafurahi nililifanya hilo. Na lote sasa liko chini ya udhibiti. Na nimeweka tumaini ndani ya mwana Wangu na ndani ya mke wake, kwamba-kwamba watafanya hilo; kuwafanya wao mtawala wa hilo lote, kwamba watasimamia hilo lote na kuhakikisha kwamba ni jema, kwamba kila kitu kitazaa kwa jinsi yake. Sasa yeye ana nguvu ya kufanya hilo." Ndipo Mungu akasema, "Vema, ikiwa lote limekuwa zuri sana, na haliwezi kuwa kitu kingine chochote, kwa sababu ni shauku Yangu Mwenyewe. Ndivyo ninavyotaka liwe. Na nimelinena namna hiyo, na Maneno Yangu yamesababisha hilo kuwa tu sawasawa jinsi nilivyo taka liwe. Na ndilo hilo. Lote ni jema!" Kwa hiyo Biblia ilisema, "Mungu alipumzika ile siku ya saba, kutoka kwenye kazi Zake zote."

30 Na kila kitu chini ya udhibiti, kizae kwa jinsi yake, sasa kumbuka "kuzaa." Wakati Yeye alipoweka mbegu katika ardhi, ile mbegu inaweza tu kuota kwa nguvu za uzima zilizoko ndani yake, kuibadilisha umbo kutoka kuwa mbegu hadi kuwa mmea, au chochote kilichokuwa. Nguvu Yake ya kubadilisha umbo! Sasa, Mungu aliweka ile mbegu ndani pale, pamoja na nyenzo za kufanyika kile ambacho Yeye alisema ingekuwa. Na ili mradi ingedumu katika jamii yake sahihi, ingekuwa kile tu hasa Mungu alichosema ingekuwa. Ilipasa iwe hivyo, kwa sababu Yeye aliifanya namna hiyo, na kuweka njia ya kupitia. Kile, chochote kile kinachodumu katika njia Yake, katika mistari Wake wa Neno, itapasa kizae sawasawa kama Neno Lake lilivyo sema kingefanya. Hakiwezi kuondoka pale. Kimewekwa tu katika mkondo wa njia Yake kwa usahihi sawasawa. Kwa hiyo, kwa kuweka kila kitu katika amana kwa mwana Wake Mwenyewe, kwamba ingekuwa hivyo, basi Mungu alisema, "Lote ni jema, hivyo Mimi nitapumzika tu. Na kila moja ya zile mbegu ina nguvu ndani yake yenyewe, kujibadilisha yenyewe kuwa namna ile ninavyopenda iwe. Hicho ndicho kinachopasa kuwa, kwa sababu nimeipa kila mbegu nguvu ya kubadili umbo kujiunda yenyewe, katika nyenzo zake sasa kujiunda yenyewe sawasawa na kile ninachotaka iwe."

Mungu hajawahi kamwe kubadilika. Ni yule tu leo kama Yeye alivyokuwa wakati ule! Mungu amedhamiria kufanya jambo fulani. Yeye atalifanya. Hakuna chochote kitakachomzuia. Yeye atakifanya hicho.

31 Sasa baada ya hilo lote kuwa jema na kuweka katika utaratibu, Mungu alikuwa na hakika sasa kwamba hili lingekuwa jema, na ndipo Yeye alipofanya hivyo, ndipo adui akaingia. Na kwenda ku ... Mungu alitoa nguvu ya kubadilisha. Na nakwenda kumwita huyu jamaa, mwenye nguvu sio ya-ya kuumba tena, ila na ... Yeye alikuwa na nguvu ya kuharibu, sio kubadilisha umbo; ila kuumbua umbo. Sasa, kitu chochote kilichoumbuliwa

umbo kimetolewa kutoka kwenye hali yake ya asili, kuna jambo fulani liliolofanyika kimakosa kuhusu hicho.

Miaka kadha iliyopita, nikiwa kwenye doria, nikiwa ninakwenda kwa kupitia kwenye mashamba ya mahindi. Ningewazia, kulikuwa na tawi lililotoka kwenye mti, na lilikuwa limeanguka juu ya bua la mhindi. Na lile bua lilikuwa limejaribu liwezavyo kuinuka na kunyooka kama liliivypasa liwe, lakini liliumbuliwa umbo kwa sababu lile jambo fulani lilikuwa limetokea. Na ile fimbo ilikuwa imelala juu yake.

32 Halafu tunakuta mmea wa mtambaa pori kwenye shamba. Ambapo, wengi wenu ninyi wanaume hapa, na labda baadhi yenu ninyi wanawake ... ikiwa mnatoka Kentucky. Wanawake hutumia jembe kule kama wanaume, wanakwenda shambani na-na jembe, tunaliita jembe la kizamani la shingo ya bata, na kukatia mbali ile-ile mitambaa. Kwani, ikiwa hukuiondolea mbali ile mitambaa, ambapo mihindi ipo katika safu, namna hii, basi mtambaa utaifikia, na kuukamata ule mhindi, na kujizungushia wenyewe pole pole, kirahisi mno, kwa ujanja, kiasi kwamba ingekuwa vigumu wewe kutambua kuwa ulikuwa unajizungushia. Na mwishowe unakuwa na nguvu zaidi na zaidi, na unauvuta ule mhindi hadi unaumbuka. Unauvutia huo kwake, unauzungusha huo kwenye shina lake yenewe ukiumbuwa umbo kutoka kile ulichokuwa, kuwa kitu kingine. Bado ni mhindi, lakini ni mhindi ulioumbuliwa.

33 Na bado sisi sote tuko katika mfano wa Mungu. Lakini baadhi wamekwishaumbuliwa mno, kama wana wa Mungu, wale wanaotembea kinyume cha Neno Lake na njia Yake ile-ile aliyotuweka sisi na kuiandaa kwa ajili yetu sisi kutembea humo. Akiweka jambo fulani, ulimwengu hutupindisha kututoa njiani, unatuvuta zaidi karibu nao, na mbali na ile njia iliyonyooka, nyembamba Yeye aliyotupanda ndani yake, kuwa wana na binti za Mungu. Dhambi imefanya hili jambo ovu kwa wana na mabinti wa Mungu.

34 Yule muumbuaji umbo! Najua hili linaonekana kidogo kitu kisicho cha kawaida kunena juu ya hili namna hii, "ku-kuumbua umbo," lakini hicho ndicho yeye alichokuwa; yeye aliumbua umbo, au alipotosha. Kupotosha maana yake ni "kubadilishwa umbo kufanywa kitu kingine tofauti". Na kuumbua umbo ni jambo lile lile, kwamba kimegeuzwa na kuumbuliwa na kuundwa kwa namna nyengine." Na bado ni mbegu ile ile, lakini imeumbuliwa umbo.

Sasa tunakuta kwamba huyu muumbuaji pia amekuwa na muda wa kuumbua kiasi kile kile kama Mungu alichokuwa nacho cha kubadilisha umbo. Sasa yeye alipanda mbegu yake, au, kamwe hakupanda mbegu yake, yeye ... katika bustani ya Edeni. Tangu wakati ule, yeye amekuwa na miaka elfu sita ya kuharibu Mbegu ya Mungu, Neno la Mungu; kuliumbua Hilo; kulifanya Hilo kuwa kitu fulani tofauti; wakati yeye ... mara ya kwanza Hawa alipomsikiliza yeye, na kujipatia fungu dogo la maneno.

35 Kumbuka, kwanza Shetani alinukuu lile Andiko kwa uwazi kadri tu ilivyowezekana, "Mungu amesema hilo, 'Hamtakula kutoka katika kila mti katika Bustani ya Edeni'?" Unaona? "Hamtakula katika kila mti?"

Na kumbuka sasa, Hawa alisema, "Ndiyo, tunaweza kula kutoka kila mti; lakini ule mti ulio katikati ya bustani, hata haitupasi kuugusa." Sasa mtazame yeye, katika ujumbe wake, akapindisha lile Neno kidogo tu. Katika kusema ... Hawa akasema, "Kwani Mungu alisema, kuwa, kama tukifanya hili, hiyo siku 'tutakufa'"

Yeye akasema, "Ee, hakika hamtakufa." Unaona, yeye alikuwa-mtu, yeye akasema, "Ninyi, fanyeni hili sasa. Na, ninyi ni namna ya watu fulani wajinga. Ninyi, kwa kweli, hamjui mambo yote. Lakini ikiwa mngeshiriki hili tu, basi mngekuwa na hekima, mngekuwa na maarifa. Mngejua jema na baya na kuwa kama miungu, ninyi, ikiwa mngeshiriki tu hii hekima niliyo nayo. Najua, lakini ninyi hamjui."

36 Ambapo, ni vyema kuwa na hekima. Lakini ikiwa hiyo hekima ni kinyume, ikiwa hiyo hekima sio hekima sahihi kutoka kwa Mungu, hekima ya Kiungu, na inakuwa hekima ya kiasili; sijali tuna sayansi kiasi gani, na vingine zaidi, au elimu, ni ya Shetani. Nitawathibitishia hilo, Bwana akipenda, katika dakika chache zijazo. Ni ya Shetani.

Ustaarabu ni wa Shetani. Ndio kwanza nimemaliza kuhubiri juu ya hilo. Utamaduni wote duniani, nguvu zote za sayansi, na kila kitu, ni vya Shetani. Hiyo ndiyo injili yake aliyohubiri, ya maarifa, katika bustani ya Edeni. Na yeye amechukua yale maarifa yaliyopotoshwa, maarifa kinyume na Neno na mapenzi na mpango wa Mungu. Na sasa

amekuwa na miaka elfu sita ya kufanya tu kile kile Mungu alichofanya, ila tu kwa njia potofu, na kuchukua kiasi kile kile cha muda kuiingiza Edeni yake. Sasa yeze anayo Edeni hapa duniani, na imejaa hekima, maarifa. Hiyo ndiyo iliyokuwa injili yake hapo mwanzo, maarifa, hekima, sayansi. Mungu hakudhamiria kamwe kuridhisha mahitaji ya namna hii. Na na-nataka ninyi mtazame kwa dakika moja. Yeze alifanya hili, na kwa sababu yeze alikuwa mtu wa hekima ya kidunia.

37 Sasa, ni vigumu kusema hili. Ni-ni vigumu mno, kwa sababu kuwahubiria watu wanaojisikia jinsi ninavyojisikia, na jinsi ambavyo nimekuwa kwa miaka mingi. Lakini tangu kufunguliwa kwa ile Mihuri Saba, ya wale Malaika nyuma tu ya ule mlima kule, Hiki kimekuwa Kitabu kipywa. Ni yale mambo yaliyokuwa yamefichwa, yanayofunuliwa kama Mungu alivyoahidi katika Ufunuo 10, Yeze angefanya hilo. Na sisi ni watu waliotunukiwa amba Mungu amewachagua, kutoka katika dunia, kwamba tuweze kuona na kuelewa haya mambo; ambayo sio ya kubuniwa, akili za kimwili za mtu anayejaribu kubunisha. Ni Neno la Mungu lililodhihirishwa, likahakikishwa, kwamba Hilo ni sahihi. Limehakikishwa, sio na sayansi; bali na Mungu, kuwa hilo ni sahihi. Mungu, kama nilivyosema kabla katika ujumbe fulani, Mungu hahitaji mtu yelete kufasiri Neno Lake. Yeze ni mfasiri Wake Yeze Mwenyewe. Yeze husema litatukia, na linatukia. Yaani, Yeze-Yeze hulithibitisha, hiyo hulifasiri hilo.

38 Miaka michache iliyopita wakati, sisi watu wa Kipentekoste, wakati yaleyle makanisa mengine yalipotuambia kuwa tulikuwa "vichaa," "hatukuweza, Roho Mtakatifu alikuwa kitu cha zamani." Lakini tulikuta kuwa ahadi ya Mungu ilikuwa kwa yelete anayetaka, na sasa tunajua tofauti. Unaona, na hiyo ni kidogo kidogo, hili jambo limefunguka.

Na sasa Yeze aliahidi kuwa yale mafumbo yaliyofichwa katika zile, vile vipindi vyote vya kanisa, yangefunuliwa pale pale kwenye wakati wa mwisho. Na Yeze anatupa kuyajua sasa. Tuko kwenye wakati wa mwisho. Tuko hapa sasa.

39 Sasa, Shetani ni mwanzilishi wa ustaarabu. Yeze ni mwanzilishi wa sayansi. Yeze ni mwanzilishi wa elimu.

Unasema, "Je, hilo ni kweli?"

Vema, hebu tusome katika Neno la Mungu sasa, Mwanzo 4, na hebu turudi nyuma na tuone tu kwa dakika moja. Najua naweza, ikiwa nitachukua muda mrefu mno, Ndugu Carl huenda ataniambia. [Mtu fulani anasema, "Ni vema."Mh.] Lakini sasa Mwanzo 4, na ile aya ya 16, inaendelea kusema hapa, hapo mwanzo, kile Mungu alichofanya ili kwamba, kuweka laana juu ya mwanamume na mwanamke, na yote yale walijokuwa wayafanye; na sio laana juu yao, lakini kuwaambia kile ambacho kingetukia, na kulaani ardhi kwa ajili ya Adamu. Na tunakuta hapa sasa, kuwa Hawa alikuwa na mapacha.

Na mmoja wao alikuwa wa Shetani, na mmoja wao alikuwa wa Mungu.

Sasa unasema, "Ee, hapana! Hapana. Sasa, Ndugu Branham!"

Subiri kwa dakika moja tu. Nitafutie Andiko moja, popote, linalosema kuwa Kaini alikuwa mwana wa Adamu. Nitakuonyesha katika Maandiko pale linaposema, "Kaini alikuwa wa yule mwovu," sio Adamu.

40 Sasa angalia yeze alipochukua mimba hapa. Tunaanza kwenye sura ya 4, kwanza.

Na Adamu akamjua ... mke wake; naye akapata mimba, akamzaa Kaini, akasema, nimepata

...akasema sasa, nimepata mtoto mwanamume kwa BWANA.

Bila shaka ilipasa iwe hivyo. Haidhuru ikiwa ilikuwa ni kahaba au kitu chochote, ilipasa kitoke kwa Mungu, unaona, kwa sababu hiyo ni mbegu Yake, haina budi kuzaa, kama ni mbegu iliyochafuliwa, mbegu iliyopotoshwa, au chochote kile. Inapasa izae, kwa vyovyote vile. Ni amri Yake.

Akaongeza akamzaa ndugu yake, Habili.

Hakumjua zaidi. Adamu akamjua mke wake, naye akamzaa Kaini na pia akamzaa Habili, mapacha. Shetani alikuwa naye asubuhi ile, Adamu mchana ule.

41 Mnaona mahangaiko makubwa katika gazeti hapa, naamini, kule Tucson sasa, ya yule mwanamke kuzaa mtoto mweusi na mtoto mweupe, kwa wakati mmoja. Alishiriki na mume wake asubuhi ile, na yule mtu mchana ule. Na yule mtu angemtunza, mtu

mweupe alisema angemtunza mtoto wake mwenyewe, lakini yule mtu mweusi ingempasa kumtunza wa kwake mwenyewe. Unaona? Najua hilo, katika uzazi wa mbwa na kadhalika, hakika itatokea, ikiwa ni katika masaa machache baadaye. Hili linathibitisha hilo.

42 Sasa ili kuonyesha wapi ustaarabu ulikotokea, sasa hebu tusome Mwanzo hapa, katika sura ya 4 ya Mwanzo tena, na tuone wapi. Ile aya ya 16.

Kaini akatoka mbele za uso Mungu, akakaa katika nchi ya Nodi, upande wa mashariki ya Edeni.

Kaini akamjua mkewe; naye akapata mimba, akamzaa Henoko; akajenga mji, akauita, kwa ... jina la mwanawe, Henoko.

Ustaarabu ukaanza. Daktari Scofield, hapa kwenye Biblia yangu ya Scofield, inasema, "Ule ustaarabu wa kwanza." Tazama, ndipo akapata wana, nao wakatengeneza vinanda na muziki. Yule aliyeufuata akapata wana, na akaanza kufanya mambo mengine, maajabu, akajenga miji, na-na kutengeneza vifaa vya shaba, na namna zote za vitu. Unaona, hicho ndicho alichofanya, ukawa ustaarabu wa kwanza, ambao ulikuwa U-Kaini. Amefanya jambo lile lile kote katika vipindi.

43 Sasa hebu tufike pale kwenye aya ya 25 na tutazame kilichofuata kilikuwa nini.

Adamu akamjua mke wake tena; sasa, akamzaa mwana mwanamume, akamwita jina lake

Sethi; maana alisema, Mungu ameniwekea uzao mwingine mahali pa Habili ambaye Kaini alimwua.

Sethi Sethi naye akazaa mwana; akamwita jina lake Enoshi. Hapo ndipo watu walipoanza kuliitia Jina la BWANA. (upande wa Sethi, sio upande wa Kaini).

Unaona, yale maarifa makuu yale ambayo nasi tunayashikilia! Ukomunisti ni nini leo, mungu wao ni nani? Ni usomi, sayansi. Tunafanya nini, hata hivyo? Tunaishi wapi? Tafakari hayo maneno leo.

44 Sasa yeye ana namna yake ya Edeni, Shetani anayo sasa. Katika hii miaka elfu sita, ameunda (sio kuumba), ila kuumbua dunia yote ya Mungu; viumbe wake, wanyama, kuzalisha kwa kuchanganya damu baina ya makabila, jamii na kadhalika, kuchanganya mbegu, miti, mimea, binadamu, hata dini, Biblia, kanisa; hadi amejipatia mwenyewe bustani kamili ya Edeni, ya sayansi, kila kitu kikienda kwa sayansi. Magari yetu, kila kitu tulicho nacho, tumepewa na sayansi, kile binadamu alichofanya. Na yeye ana Edeni yake kuu hapa; kuthibitisha Ujumbe umekuja katika wakati ufaao, kuthibitisha kuwa sio kizazi kingine ila Ufunuo 10! Tazama kuchanganya mbegu leo, kufanya bora, au, yenye kupendeza zaidi, sio bora. Tazama watoto wadogo leo.

45 Nilimpeleka binti yangu kwa daktari wa meno, jana, na akasema meno yake yalikuwa yanapinda. Ndugu kule Tucson, Ndugu Norman, alikuwa na binti yake mdogo, na meno yake yalikuwa yanakuwa marefu kuliko kawaida. Na daktari wa meno anasema kuwa hivi punde, anaamini, kwamba labda katika wakati ujao, kuwa watu watazaliwa, meno yakiwa yanakua kuelekea kokote. Ni chakula kile tunachokula. Chakula kutoptaka na mbegu chotara.

Mlisoma katika gazeti la Reader's Digest, mwezi uliopita, kuhusu Billy Graham, yule mwinjilisti mwadilifu? Umekuwa ukimsikiliza? Namwombea sasa zaidi kuliko nilivyowahi kumwombea. Alipozungumza na wale kola zilizogeuzwa, na kadhalika, usiku ule mwingine, wakimvisha kilemba cha ukoka yule kasisi. Jambo fulani limemtokea. Mojawapo ya siku hizi, natumaini ataona nafasi yake pale alipo, tazama, sasa anaita kutoka Sodoma, ule mji uliopotoka. Na sasa tazama hili katika Reader's Digest, Billy alikuwa amedhoofika mno kwamba asingeweza hata kufanya mikutano yake. Nao wakamwambia ilimpasa akimbie, afanye zoezi, na kadhalika. Kwa hiyo hukimbia maili moja kwa siku, naamini ni hivyo, au kitu fulani, kupata zoezi.

46 Binadamu ameoza. Jamii yote ya binadamu imeharibika. Kila kitu ni kama kilivyokuwa katika wakati kabla ya gharika. Imevurugwa kabisa, vimegeuzwa, tofauti na ile safu iliyonyooka ambamo Mungu aliwapandikiza humo. Dhambi, kuititia sayansi na udanganyifu, vimepindisha jamii yote ya binadamu.

Je, mlisoma vile vile chini tu ya ile makala, pale iliposema, "Katika siku hizi, kwamba wasichana na wavulana wadogo wako kwenye umri wao wa makamo, kulingana

na maumbile ya miili, kati ya umri wa miaka ishirini na ishirini na tano.” Liwazie hilo.

Katika utambuzi wa siri za mioyo usiku ule mwininge, nilimwona msichana mwenye umri wa miaka ishirini na miwili, akiwa amefikia ukomo wa uzazi, nikamwita. Na hilo ndilo daktari wake alilokuwa amekwishakumwambia.

Ona, ni jamii chafu iliyoanguka, iliyoharibika tabia, inayoelekea kuzimu. Najua hilo lasikika kama sio la kimaadili. Lakini ni la Kibiblia, unaona, hilo ni kweli, hiki kizazi cha watu.

47 Sasa tazama leo, ng'ombe waliochanganya mbegu, mimea iliyochanganya mbegu; na sayansi inarudi moja kwa moja hapo, sayansi ile ile inayolifanya hilo, inasema, “Hicho ndicho kinachoangamiza jamii yote ya binadamu.” Lisome kama nami ninavyolisoma. Vema, Kwa nini hawaliachi? Ni kwa sababu hawawezi kuliacha. Neno la Mungu limesema ingelikuwa hivyo. Lakini ikiwa wangefikiri kwa dakika moja, wao ni vifaa, kama Yuda Iskariote, wakijiweka katika nafasi ya kutenda jambo lile hasa ambalo Mungu alisema lingetukia. Linafanya hilo sawasawa tu kwenye msingi wao wenyewe wa sayansi.

Kwa utafiti wake wa kisayansi, katika mtindo ule ule aliomdanganya Hawa, yeye amelidanganya kanisa vile vile, ambapo Hawa alikuwa mfano pale. Sasa, sasa Adamu ni mfano pale tena, au namaanisha, Hawa, wa kanisa, tazama hicho yeye lilichofanya. Kwa njia ya kuzurura likitafuta maarifa, huteleza na kuvuka mstari kati ya mema na mabaya, kwa kusikiliza upotovu wa Shetani, au uharibifu, wa umbo la Neno la Mungu la asili.

48 Na sasa, makanisa leo yameharibiwa maumbo yao. Sasa sizungumzi juu ya watu, watu binafsi. Nazungumza juu ya ulimwengu wa kanisa. Moja limegeuzwa huku, na lingine likageuzwa kwingine, na, kwa sayansi. Mtindo ule ule yeye alioufanya. Yeye ametekeleza tishio lake, Shetani amefanya hivyo, la Isaya 14:12 .

Hebu tusome tu hilo kwa dakika moja. Katika Kitabu cha Isaya, hebu tuanzie sura ya 14, ile aya ya 12.

Jinsi ulivyoanguka kutoka mbinguni, Ewe Lusifa, mwana wa asubuhi! Jinsi ulivyoanguka wewe uliyewaangusha mataifa!

Huyu ni Isaya akimwona katika ono, unaona, katika kipindi kitakachokuja.

Nawe ulisema moyoni mwako, Nitapanda mpaka mbinguni, Nitakiinua kitu changu juu kuliko nyota za Mungu; Nami nitaketi juu ya mlima wa mikutano, ... katika pande za mwisho za kasikazini.

49 Kusudi la Shetani, tangu Edeni, ilikuwa ni kujitengenezea Edeni yake mwenyewe; na yeye mwenyewe ili ajikweze juu, kwamba nyota za Mungu zingemwabudu yeye, wana wangemwabudu yeye. Na yeye amekwishalitekeleza hilo kabisa sasa, na wakati amekwishakufanya hili na kulileta kanisani. Jambo ambalo sitaelezea kwa kinaganaga. Yeyote kati yenu anayesikiliza zile kanda anajua kuhusu hilo. Kwamba, hiyo ndiyo saa hasa tunayoishi ndani yake, na ni Shetani aliyelifanya hilo kuititia mipango ya elimu, ubora wa zaidi, bora hiki, bora kile. Na bila kujua, wakati wote, wanakwenda moja kwa moja kwenye kifo. Waliopofushwa, wakiwaongoza vipofu, viongozi wa mataifa waliopofushwa, viongozi wa sayansi waliopofushwa, viongozi vipofu wa kanisa, Vipofu wakiwaongoza waliopofushwa. Yesu alisema, “Waacheni wote watatumukia shimonii.”

50 Tazama hapa mfano wa hizo Edeni mbili ambazo zimelinganishwa kwa karibu sana, hadi karibu zidanganye Wateule halisi. Mathayo 24:24 ilisema kuwa ingekuwa hivyo. Lakini nataka tusitishe hili kwa muda mfupi na tuangalie hizi Edeni mbili, na jambo moja hasa, jinsi Biblia inavyotuambia kuwa Neno la Mungu liliunda ile Edeni, na jinsi Neno la Mungu linavyotuonya kuwa ile Edeni nyingine ingekuja.

Sasa, tunajua vile vile kuwa inapasa kuwe na Edeni nyingine, kama tungemsikiliza pia nabii , Paulo, katika 2Wathesalonike ile sura ya 2. Ningeweza kuisoma kama mnataka.

Yeye ajiinuaye mwenyewe; ile siku haiji, ya Bwana, hadi akafunuliwa yule mtu wa kuasi, ...

... yeye aketiye katika hekalu la Mungu, ajiinuaye nafsi yake juu ya kila kiitwacho Mungu, ili kwamba yeye kama Mungu anaabudiwa kama Mungu.

Wazia hilo! Sasa Isaya 14, nabii alisema, kuwa alimwona “Ibilisi, moyoni mwake,” kwa njia ya maono chini ya uvuvio wa Mungu, “akisema yeye angefanya hilo.” Katika

Isaya, miaka mia nane kabla ya Paulo, au kwa makadirio wakati huo.

Sasa hapa, miaka mia nane baadaye, Paulo anamwona yeye, anakuja kwenye nafasi yake. Tazama, inaelekea, Edeni yake; Edeni yake ya kisayansi, na ulimwengu wake wa kisayansi, na kanisa la bibi arusi wa kisayansi, yote chini ya-ya neno "maarifa," seminari kuu, shahada kuu, mipango ya kielimu.

51 Sikiliza, ndugu, dada, kila mmoja wetu anakwenda kutembea kwenye ile njia aliyotembea Florence. Nawaomba, katika Jina la Yesu, kufikiria Hili. Msinifikirie mimi. Mimi ni ndugu yenu. Hilo, siyo lenyewe. Fikiria lile neno ninalolinena, la Biblia ya Mungu. Na tazama kote, limethibitishwa kikamilifu katika Neno la Mungu Mwenyewe, katika kipindi tunachoishi, pale tulipo.

Hii mipango kwa yenewe, ni mpinga Kristo, kabisa. Sasa, yeye inampasa awe na Edeni, alisema angefanya hilo. Hapa liko Neno rahisi la Mungu likisema yeye angefanya hilo, na hapa tunatazama kwa makini na kumwona yeye akifanya hilo. Yeye amefanya hilo pamoja na bibi arusi wake wa kidhehebu anayeenenda kiakili, kisayansi. Yeye anaelekea, katika siku za usoni, kuwa chini ya Baraza la Makanisa ya Ulimwengu litakaloundwa. Yote yatakuwa na yeye. Akijaribu ...

52 Wale watu, sio kwa sababu ni watu wabaya; wao walipandwa katika ile safu; kama mihindi, lakini Shetani akapanda mitambaazi inayoitwa sayansi, utafiti, elimu, shahada za udaktari. Mara nyingine wala hawatakuruhusu uhubiri mimbarani isipokuwa uonyeshe digrii ya udaktari kutoka seminari mahali fulani. Na yote ni makosa! Sio watu; ni mpango ndio wa makosa. Na sasa huo umefanya nini? Yote yanaelekea tena, na kuuleta ulimwengu wote (kupitia kundi la kuchanganya mbegu, kupotoshwa kwa Mbegu ya asili ya Mungu) kwenda kwenye vurugu nyingine za giza.

Lakini ninafurahi mno kwamba Mungu anatujali tena, kwamba Yeye anaweza bado kutembea juu ya uso wa ile hali. Yeye aliahidi angefanya hilo, na kuita kundi dogo ambalo lingekuwa Bibi arusi Wake.

Tazama hapa tena, jinsi haya makanisa yanavyokuwa mfano kikamilifu, au hizi Edeni.

Mungu, kupitia Mbegu ya Neno Lake! Na kuna kitu kimoja pekee ambacho kinaweza kuhuisha lile Neno, na hicho ni Roho, kwani Yeye ni Mpaji-Uzima kwa Neno. Na Uzima katika Neno unapokutana na Uzima wa Roho, unazaa chochote kile Mbegu ilicho.

53 Sasa tazama kile kilichotukia. Katika bustani ya Edeni kulikuwa na mpango wa Mungu wa wakati wa kutokuwa na hatia, na huo ulikuwa moja ya-ya vipindi maalum vya utaratibu wa Mungu. Kipindi cha kwanza cha utaratibu huo wa Mungu kilikuwa kutokuwa na hatia, watu hawakujua dhambi. Hawakujua chochote kuhusu dhambi. Adamu na Hawa walikuwa uchi wote wawili, lakini walifichwa uchi wao, kwa pazia la roho juu ya uso wao. Kamwe hawakujua kuwa walikuwa uchi, hata kidogo, kwa sababu walifichwa. Kwani, pazia la Mungu katika mawazo yao wenyewe, hawakujua jema na baya ilikuwa nini. Na wote wawili wakiwa wamesimama uchi pale, ilionyesha kuwa yale maarifa yalikuwa bado hayajawajia, unaona, kuwa walikuwa uchi. Hao wawili walikuwa uchi na hawakujua.

Sasa ikiwa mtafungua, ikiwa mnataka kufungua, au kuliandika, Ufunuo, sura ya 3. Roho Mtakatifu akitabiri hiki Kipindi cha mwisho, kwa Kipindi cha Kanisa la Laodikia ya Pentekoste katika siku za mwisho, Yeye alisema:

... wewe u uchi, na kipofu, nawe hujui.

Pale kuna Mbegu ya Mungu, isiyo na hatia, bila kujua kabisa kuwa walikuwa uchi, chini ya pazia la Roho Mtakatifu, likiwafunika wasipatwe na dhambi.

54 Na sasa katika kipindi cha mwisho cha kanisa, tunakuta hapa kuwa wako uchi tena, nao hawajui. Lakini sio pazia la Roho Mtakatifu. Ni lile pazia Shetani alilolitupia juu ya Hawa nyuma kule, pazia la tamaa. Ni wachafu mno hadi hawajui kuwa wako uchi, wanawake wetu barabarani, wakiwa wamevaa kaptula, magauni ya kizinzi.

55 Mtu fulani alinitumia kipande katika gazeti siku ile nyingine, cha hili gauni jipya watakalovaa, nafikiri inchi kumi na nne kutoka kwenye nyonga, au kitu fulani. Na mimi sijui kama wanawake wetu wanatambua kuwa hilo ni pazia la tamaa?

Sasa unge-ungesema, "Naweza kuthibitisha, mbele za Mungu, kuwa sina hatia ya uzinzi wowote kwa mume wangu, au ... lote hili."

Lakini bado kwenye Hukumu, unakwenda kuitwa "mwanamke mzinzi." Biblia ilisema hivyo. Yesu alisema, "Yeyote amtazamaye mwanamke na kumtamani, amezini naye moyoni mwake."

56 "Vipofu, uchi, na hawajui!" Sio wale wanawake wadogo maskini nje kule; hakuna lolote nililo nalo dhidi yao. Ni ule uovu! Na mfumo wa kanisa unaonekana kushindwa kulitanbua hilo au kusimama kinyume na hilo; wanawaruhusu wakate nywele zao, wajipake vipodozi, na kaptula na vitu, chini ya jina la Ukristo. Ni jambo la kutisha jinsi gani! Unaona, wako uchi tena, katika Edeni ya Shetani, nao hawajui hilo. Hawajui hilo.

Naamini naona, labda, nikitazama kupitia hapa, bwawa la kuogelea, kuwa wanawake wako nje kule sasa. Ikiwa tu yule mwanamke angetambua kuwa kile anachokifanya, lakini hajui hilo. Yeye yuko uchi. Mwili wake umewekwa wakfu. Yeye anavua zile nguo Mungu alizomvalisha, alimvalisha ngozi, kwa ajili ya hiki kizazi. Daima yeye huikatilia mbali. Yuko uchi, chini ya neno la "ustaarabu, elimu ya juu, ustaarabu bora, maadili ya juu." Hebu niwe na hakika kuwa hili linazama ndani. Lote hili ni la Shetani, na litaangamizwa kwenye Kuja kwa Bwana Yesu. Litaangamizwa, kila sehemu yake.

Hakutakuwa na kitu kimoja kitakachosalia.

Na, ee, rafiki, kote katika nchini, unaponisikiliza hapa Phoenix, wazia juu ya hayo mambo! Upo hapa yakikukabili. Sasa Yesu alisema, "Lingedanganya Wateule kama ingaliwezekana."

57 Ile roho ya kwanza ilikuwa ... pazia la kwanza ilikuwa pazia takatifu, Roho Mtakatifu, na mwanamke hakupaswa kutazama nje ya Hilo. Lakini Shetani alipo-alipoanza kuzungumza naye kuhusu maarifa, ilimpasa tu achungulie ulimwengu kidogo.

Na hilo ndilo hasa binti yake, kanisa, limefanya. Inakupasa uone, inakupasa uvae kama mchezaji fulani mashuhuri wa sinema, au vijana wa kiume watende kama Elvis Presley au-au Pat Boon, au-au baadhi ya wale watu, chini ya jina la dini.

Pat Boone ni wa Kanisa la Kristo. Elvis Presley ni Mpentekoste. Watu wawili ambao kwa kupagawa na mapepo wakawa na tabia za kiajabu wameutupa ulimwengu katika vurugu mbaya kuliko Yuda Iskariote alivyofanya kwenye kumsaliti Yesu Kristo. Hawajui hilo. Wale wavulana hawajui hilo. Sina lolote nililo nalo dhidi ya wale-wale wavulana, jamani, ni roho ile inayosababisha hilo.

58 Tembea tu upande ule, kidogo, hebu yule mtambaazi ashikile kidogo kulizunguka bua la ule mhindi, wakati mmoja, tazama kile kitakachotokea; ule mhindi umekwisha. Ee, naam, tayari mtambaazi umeupata. Na hivyo ndivyo italifanya hilo. Italifanya hilo kila wakati. Hawa ilimbidi achungulie ulimwengu mara moja tu.

Na hebu niseme jambo fulani kwenu, ndugu na dada. Katika Yohana wa Kwanza, sura ya 2 na ile aya ya 15, tunaweza kulisoma kama mnataka, Biblia inasema:

Tukiipenda dunia, au mambo ya dunia, ni kwa sababu upendo wa Mungu haupo hata ndani yetu.

59 Sasa, ile dunia kule sio dunia; ni neo la Kigriki, ni kosmos, ambalo linamaanisha "kawaida ya ulimwengu." Ikiwa tunapenda mitindo ya dunia, ulimwengu, ikiwa tunapenda mwelekeo wa sasa, ikiwa tunafikiri, "huu ni wakti mzuri, ee, tunavyo hivi vitu vyote," kama unafikiri hivyo, ni kwa sababu kufikiri kwako ni kwa makosa. Kumepotoshwa na Shetani. "Kwani ikiwa unaipenda kawaida ya ulimwengu, na mambo ya huu ulimwengu wa sasa, ni kwa sababu upendo wa Mungu hata haupo ndani yako." Kumbuka hilo. Ewe Mungu! Tazama kile tunachokitazama!

60 Nataka kusimama hapa kwa dakika moja na kuwaambia hadithi ndogo. Nilisikia kasisi wa jeshi la askari kwenye Vita vya Kwanza vya Dunia. Walikuwa wametupa ...

Kama Shetani pale mwanzo, alipokuja kwenye bustani ya Edeni. Yeye asingeweza kung'oa zile Mbegu. Yeye hangeweza kuziangamiza. Lakini alizinyunyizia sumu, na ikaharibu umbo la Mbegu, haikuzaa kwa jinsi yake. Iliumbua ile Mbegu ya asili.

Na hiyo ndiyo mipango yote hii ya dini. Wao bado ni wana na mabinti wa Mungu, lakini wameumbuliwa. Wanakwenda kanisani, wakitaka kufanya iliyo sahihi. Mtawa wa kike haingii katika nyumba ya watawa ili kufanyika kuwa mwanamke katili. Mhudumu hapitii kamwe masomoni shulenii ili kufanyika kuwa mtu mbaya. Kamwe hajiungi na kanisa, na kushikana mikono, unaweka jina lako kitabuni, au chochote kile

unachokifanya kanisani kwako, ili kuwa mtu mbaya. Unafanya hilo ili kuwa mtu mzuri. Lakini ni udanganyifu, ni uumbuaji unaofanya hilo. Shetani alipulizia sumu hilo. Unaona? Kamwe Mungu hakuwahi kuwa na shirika la dini. Hakuna kitu kama hiki popote kinachopatikana katika Maneno ya Mungu.

Mungu ndiye shirika letu, tumeshirikishwa ndani Yake, Mwili, ndani ya Mungu, Mbinguni. Hiyo ni sahihi. Majina yetu yako kwenye Kitabu cha Uzima cha Mwanakondoo. Unaona? Tazama.

61 Lakini, unaona, najua ni vigumu sana, lakini na-nataka mvumilie kwa kirefu zaidi kidogo ikiwa mtaridhia. Katika wakati wa vita ya dunia ... Samahani kwa kuondoka kwenye somo langu.

Lakini ili kulielezea hili jambo ni-nilitaka kuwapa mchanganuo wangu wa kile Shetani alichofanya katika Edeni; alinyunyizia sumu ya kutisha. Mngependa kujua ile sumu ilikuwa nini? Naweza kuwaambia. Ninayo jinsi ya muundo wake, maneno mawili: kutokuamini, ambako ni kinyume na imani, alinyunyiza kutokuamini, mashaka. Na sayansi ikajaza mahali pake. Pale penye pengo, iliyokwenda kwenye Mbegu, Shetani alijaza lile pengo kwa maarifa na sayansi na ustaarabu, na hiyo imeumbua maumbile yote, mazima ya Mungu.

62 Najua mnafikiri nawaweka mahali pa hatari, lakini mimi nami nipo mahali pa hatari pamoja nanyi. Na sote tupo hapa kujaribu kutafuta kile tunachoweza kufanya. Hatusemi vile vitu ili tuwe tofauti. Lazima tuwe wakweli.

Sisi, kila mmoja, tunakuja chini kwenye mwisho wa njia, pale tunakokwenda kutoa hesabu kwa ajili ya kila neno. Sasa hivi, tunajua kuwa sauti zetu ... Tunapozaliwa, kulia kwetu kudogo kwa kwanza huenda kote kwenye kanda. Itapigwa tena penye ile Siku ya Hukumu. Hata nguo unazovaa zitaonyeshwa usoni pako, kwenye Siku ya Hukumu. Hata sayansi imegundua hilo, kwa televisheni. Unaona, televisheni haitengenezi picha, inaiwekea tu njia ya kuonekana. Rangi ya nguo, kila wakati unapotembea, kila wazo akilini mwako, linawekwa kabisa kwenye kumbukumbu za Mungu. Na lile jambo kubwa litawekwa pale pale mbele yako, kila moja ya zile nguo chafu ulizovaa; kila wakati uliokwenda kwa kinyozi, kukata zile nywele ambazo Mungu alikupa. Itakuwa. Utajibu kwa hilo. Huwezi kufanya kitu pale, hata mawazo ya moyo wako unapofanya hilo, yatasikika kanda ipigwapo pale pale mbele yako. Unakwenda kunusurika namna gani? Tutanusurika vipi kama tukiupuuza wokovu mkuu namna hii?" Hatutanusurika. Kila tendo, na mawazo ya moyo, yanasawa moja kwa moja katika kiwango kingine, hata rangi ya nguo unazovaa. Televisheni, televisheni ya rangi inalithibitisha hili moja kwa moja, inalileta kwenye uwazi na kulionyesha, unaona, na hilo ni katika kiwango kimoja tu kutoka kwenye viwango vitatu tunavyoishi ndani yake. Unaona?

63 Sasa jinsi ile sumu ilivyolichoma kanisa, ilivyoichoma dunia! Sumu ya Shetani juu ya Mbegu, imeweuka matundu ndani yake na kusababisha kuumbuka. Zaidi na zaidi, anazama ndani zaidi katika miyo ya makanisa, na katika miyo ya watu na kila kitu, sayansi, sayansi. Hadi pamekuwa mahali ambapo jamii ya binadamu, kwa kuchanganya mbegu ... Naamini kila mbegu inapasa izae kwa jinsi yake. Na jamii ya binadamu, na mmea, na yote hali ikiwa imechanganya mbegu, imetuleta mahali; katika kula chakula chetu toka ardhini, ambacho, miili yetu, imechanganya mbegu, imeweuka akili zetu nzima ... Sasa, kama miili yetu inaanguka, kutoka umri wa miaka ishirini hadi ishirini na tano, kwa sababu ya chembe za uhai zilizodhoofika, kwa vyakula vilivyochanganya mbegu, je chembe za uhai za ubongo wetu hazidhoofiki? Je, hizo sio chembe za uhai vile vile? Hiyo ndiyo sababu vijana wakora hupita mbio mbio barabarani hapa, akiwa na ufito wa moto; wakati akina Vipusa, akina Vidosho, na wengine wengi, kama ambavyo tungeita jina, nje hapa nusu uchi mbele ya watu, waliorukwa na akili, hakuna tena dhana ya heshima na uadilifu.

64 Twende kwenye hadithi yangu ndogo. Huyu kasisi wa askari wa jeshi alisema yeye alikwishakuwa chini kule hospitalini, na akasema wavulana wengi mno walikuwa wamelala katika hema, baadhi ... Alikuwa amekuja tu kutoka nje. Yeye akasema alikwenda nje pale, na ofisa fulani akamwambia, akasema, "Kasisi, tunataka tutoke, kutazama mashamba nje kule." Walikuwa wametupa hii haradali na hewa ya klorini, kama walivyofanya siku zile.

Na akasema, "Nilikwenda nje kule, Ndugu Branham," akasema, "hakukuwa na gome juu ya mti, hakukuwa na kitawi cha majani. Ilikuwa Pasaka asubuhi." Akasema,

"Kulikuwa na baadhi ya vifaru vyatamani vilivyo haribika chini pale, yule afisa ilimpasa kuweka kumbukumbu yake, na kuona kama kulikuwa na chochote ambacho kingeweza kufanyika juu yake, karibu na Msitu mkuu wa Argonne. Akasema, "Nilipokuwa nimesimama pale peke yangu," akasema, "nikatazama juu, akasema, 'Ewe Mungu, hivi ndivyo yote yatakavyokuwa.'" Hiyo ni sahihi, lote linakuja. Kote kulikuwa kumeungua, hakuna uzima popote kabisa, majani yameunguzwa; mti, kwa zile gesi, miti imeuawa, kila kitu kiliuawa, kikapindishwa, viking'inia chini, pale risasi na vitu vingine vilitoboa kukawa matundu.

65 Ikiwa hiyo sio picha ya ulimwengu leo, pale Shetani anaponyunyiza kutokuamini kwake, kuchanganya kwake mbegu, sayansi yake, maarifa yake! Hadi, kile ulichokuwa hapo mwanzo, Mungu alipomweka Adamu na Hawa katika bustani, ile paradiso nzuri isiyo na kifo, isiyo na magonjwa, isiyo na huzuni, na kila kitu kikamilifu katika utaratibu, tazama kile DDT ya Shetani ilichofanya! Huo ni vurugu. Hakuna chochote kilichobakia ndani yake.

Yeye akasema, "Nilianza kulia. Nikarejea nyuma, nilivutiwa kwenda penye mwamba." Akasema, "Nilikwenda tu pale na kuangalia ule mwamba, nikausukuma. Chini ya ule mwamba kulikuwa na ua dogo jeupe lililokuwa linakua, kitu pekee kilichobaki hai, kwa sababu lilikuwa limekingwa na mwamba."

Mungu, Mwamba wangu, tukinge leo, Ewe Mungu, wakati hizi sumu zinaporuka kila mahali katika jina la sayansi na elimu. Tukinge. Tuhifadhi hadi siku ile, Ewe Mungu, ndiyo maombi yangu. [Mtu fulani jukwaani anasema, "Usiweke kiasi chochote cha muda, Ndugu Branham."-Mh.] Sasa natumaini kuwa sisi, kila mmoja, tuko chini ya ule Mwamba, Kristo.

66 Nilihubiri tu siku ile nyingine, wengi wenu mlisikia hilo. Nilikuwa ninakwenda chini kupitia vichakani, nikiwinda, na nikavutiwa kugeuka nyuma. Na nikatazama, na pale imelala katoni au kasha la sigara, au chochote unachoita hilo. Na ni kampuni, sijisikii kutamka jina lao, lakini ile kampuni ya tumbaku walikuwa na, wao wanao usemi wa kuvutia biashara, "Chujio la mtu mwenye akili, kivutio cha mvutaji."

Nilianza kutembea kuelekea chini m-mbele kidogo kwenye vichaka, na Kitu Fulani kikanivutia, "Rudi kwenye lile kasha la sigara."

Nikawaza, "Baba wa Mbinguni, nakwenda chini pale kwenye ule mti ambapo wale kindi Wewe uliwanena na wakaweko, asubuhi moja. Kwa nini Wewe unaniita nirejee nyuma?"

Na Kitu Fulani kikasema, "Unayo mahubiri yanayokuja kwa ajili ya Jumapili. Somo lako limeandikwa juu yake."

Nikawaza, "Juu ya kasha la sigara?" Nikarudi.

Na nikaanza kuwaza, "Chujio la mtu mwenye akili," ni upotofu wa jinsi gani! Ikiwa mtu alikuwa mtu mwenye akili, asingevuta sigara kabisa. Lakini, unaona, watu humeza hilo.

67 Naamini ilikuwa miaka miwili iliyopita, nilipokuwa katika mojawapo ya ile mikutano, nilikwenda kwenye maonyesho ya ulimwengu yalipokuwa kwenye Pwani ya Magharibi. Na wao walikuwa na picha ya Yul Brynner na wengine wengi kule. Na wanasyansi, wengi wao, walikuwa kwenye ukumbi ule ule, kuhusu hatari ya kuvuta sigara. Jinsi wanavyovuta ule moshi kupitiliza katika madini ya marumaru, na kuchukua ncha yenye umbo la Q na kuondoa sumu ya nikotini iliyo katika tumbaku kutoka pale na kuiweka juu ya mgongo wa panya, na kumweka katika tundu, katika siku saba alikuwa amejaa kansa hata hangeweza kutembea. Unaona? Alisema ... Alimvuta kupitia majini.

Akasema, "Chujio!"

Akasema, "Chujio? Hakuna kitu kama hiki." Una ... Sasa, hii ni sayansi yenywewe. Walisema, "Huwezi kuwa na moshi usipokuwa kwanza na lami. Lami hufanya moshi."

68 Na kitu pekee ilicho, ni usemi wa ujanja wa kujitangaza, ili kuuza sigara zaidi. Wakati hilo, ikiwa mimi ... Situmaini mnadhani mimi ninapuuza mambo matukufu au ni mlokole asiyetumia akili. Yule yule pepo ndani ya mtu, huyo humfanya yeye avute sigara, ili ajiue mwenywewe. Wakati yeye-yeye anataka sumu iitwayo nikotini iliyo katika sigara moja, ambayo itamridhisha shauku yake, sasa ile kampuni inakuja pale na huu usemi potofu wa ujanja wa kujitangaza, na kusema, "Chunio la mtu mwenye akili."

Inampasa avute sigara nne au tano, ili kutenegeneza lami ndani yako kiasi cha (kumtosheleza yeye) kama ulivyofanya na ile moja. Wamarekani wanaiza kifo kwa ndugu na dada zao! Silielewi hilo.

69 Lakini bado ndani pale, nilifikiri, "Kuna Chujio la mtu mwenye akili iliyo sahihi."

Sasa ikiwa mtu alikuwa anavuta sigara, kumbuka, inaunda kivutio cha mtu mvutaji. Ndipo, ikiwa huwezi kuwa na ... kutosheleza shauku ya kuvuta hadi upate moshi pale na upate ... lazima huo uunde ladha. Kwa hiyo unavuta sigara nne, au tano, na kulipa zaidi kwa ajili yake kuliko vile ambavyo ungelipa kama ungelivuta sigara moja tu ya kawaida. Unaona, ni usemi wa kijanja wa kujitangaza, wa kujitangaza kwa ajili ya mauzo; kudanganya watu, Wamarekani. Ninapwaza juu ya Valley Forge, George Washington; na theluthi mbili ya askari wake, na wakiwa hawana viatu miguuni mwao kwenye ile siku yenyewe baridi, kutufanya sisi kuwa huu uchumi tulio! Na ndipo Wamarekani humwuzia Mmarekani, ndugu na dada yake, kifo, chini ya usemi potofu, kwa ajili ya fedha tu, shina la uovu wote. Tamaa ya fedha, kupenda. Jambo lote limekuwa kichaa, bila kujuwa kuwa hili jambo lote litaangamia! Lakini ikiwa hutavuta, huwezi kuwa na ile ladha.

Ndipo nikawaza, "Kuna Chujio la mtu mwenye akili." Chujio la mtu mwenye akili! Na nikachukua somo langu kutoka "Chujio la mtu mwenye akili huunda kivutio cha mtu mtakatifu."

70 Kwa hiyo nikawaza kuwa madhehebu yetu yamefanya mengi ya namna ile, kuwaingiza watu ndani na kujiita wenyewe Wakristo ambapo ni kwa vyovvye tu. Kwa nini? Wanapata wengi katika madhehebu au mashirika yao. Tunapata wengi ndani pale kwa sababu tunawaachia waingie chini ya hili, lile, na lile lingine, na chochote. "Hilo halileti tofauti yoyote, hivyo tu wao huweka majina yao kwenye kitabu na kusema wao ni Wakristo. Hivyo tu. Ee, 'kwa imani umeokolewa.' Inakupasa uamini." Shetani hufanya jambo lil lile. Naam.

Inakupasa uzaliwe upya, na hilo huja kuitia Chujio la Mungu! Sasa kuna Chujio la mtu mwenye akili. Nimelishikilia mkononi mwangu. Haliwezi kuunda utamu wa kidhehebu, ila hakika litatosheleza kivutio cha mtu mtakatifu, unajua.

71 Jinsi gani mwanamke aliye kataba nywele atawahi kamwe kuja kuitia hili Chujio? Jinsi gani mwanamke aliye vaa kaptula atawahi kamwe kuja kuitia Hilo, au suruali, wakati Biblia inasema, "Ni machukizo kwa Mungu, kwa mwanamke kuva vazi limpasalo mwanamume"? Na jinsi gani mwanamume anayewaza chochote kujihusu yeye mwenyewe, anakuja nje hapa na kuva kama wanawake, anaachia nywele zake zinakua kama mwanamke, hadi chini machoni mwake, na nywele zilizoangushwa kwenye paji la uso na kukatwa zikabaki zikining'inia, na zilizosokotwa namna ile? Yeye anavaa nguo za ndani za mkewe. Yeye, mkewe anavaa nguo za mumewe za nje. Chujio la mtu mwenye akili? Mtu mwenye akili hawezi kufanya hilo, au mwanamke mwenye akili hawezi kufanya hilo. Neno la Mungu haliwezi kuachia hilo lipite.

Hakuna kitu hata kimoja kingeweza kuitia kilita lile Neno. Huyo ni Roho Mtakatifu, na Yeye huleta lile Neno ndani yako, na Yeye huunda ladha ya mtu mtakatifu.

72 Tazama leo, vipusa barabarani, wa kupendeza, maunbo mazuri aliopewa na Mungu, na Shetani anayatumia. Na atavaa kiasherati, bila kujuwa kuwa wiki moja tangu leo anaweza akawa anaiza kaburini.

Nilipokuwa nateremka barabarani hapa sio muda mrefu uliopita. Nilikuwa ninahubiri kwenye mkutano katika Assemblies of God kule Pwani ya Magharibi, katika mkutano kule Southwestern Bible School. Bibi mdogo akitembea chini barabarani, mdogo ... akiwa amevaa vinguo vidogo, kisketi kidogo kifupi sana kinachoitwa bikini, au chochote kile mnachokiita, na pindo za nguo zilizotiwa nakshi za nyuzi zinazoning'inia, akiwa na kofia na mabuti ya mchunga ng'ombe. Nilikuwa naelekeea juu barabarani. Nikawaza, "Maskini kijana mdogo, mtoto wa mama na baba fulani, aliwekwa hapa kuwa binti wa Mungu, na amekuwa chambo cha mtego wa Shetani." Nikawaza, "Naamini nitageuka nyuma tu na kurudi, na kumwambia yule mtoto." Alionekana kuwa kwenye umri wa Sara wangu pale, miaka kumi na saba, umri wa miaka kumi na sita, au kitu fulani. Nikawaza, "Hapana, ni vyema nisifanye hivyo. Nitakwenda tu juu hapa barabarani na kumwombea. Ikiwa mtu fulani aliniona nikisimama na kuzungumza naye, ni vyema nisifanye hilo."

73 Sasa, na sikilizeni, wana wa Mungu, mnafika katika mahali pale pale, hawa akina Yezebeli wa siku hii watajipendekeza kwako, lakini mtu mwenye akili atafikiri kwanza.

Anaweza akawa mzuri mno, inawezekana, "Ningeweza kumpendeza sana," lakini itakugharimu wewe nafsi yako, mvulana; baadhi yenu wasichana, kwa hawa vijana wakora! Chujio la mtu mwenye akili huunda kivutio cha ya mtu mtakatifu.

Ninyi wanaume mlaoa, mnapowaona hao wanawake barabarani namna ile, ninyi wana wa Mungu, hamtambui kile kilichotukia hapo awali ya mwanzo? Wakati sayansi ilipokuwa imewafanya wanawake kuwa warembo mno katika ulimwengu wa kabla ya gharika, hadi wana wa Mungu wakawachukuwa mabinti wa binadamu (sio mabinti wa Mungu), na Mungu kamwe hakulisahahu hilo. Waliangamiza jambo lote; sayansi chenye kupendeza zaidi. Zamani ilikuwa ... Tazama uzuri wa wanawake ukiinuka juu katika siku za mwisho, ni ishara ya wakati wa mwisho; Mungu amethibitisha hilo. Kwa hiyo, tumia Chujio la mtu mwenye akili, utakuwa na ladha ya mtu mtakatifu. Itakuingiza hasara ya makazi yako. Itakuingiza hasara ya cheo chako. Itakuingiza hasara ya kila kitu ulicho nacho; mbali na hilo, nafsi yako! Itaivunja nyumba yako. Inaweza kufanya mwanamume mwingine awalee watoto wako, au mwanamke mwingine awalee watoto wako.

74 Chukua Chujio la mtu mwenye akili, litaunda kivutio cha mtu mtakatifu. Unapoondoka kwenda kwa kinyozi, au kitu kingine, na wanakwambia, "Utaumwa kichwa, unajua." Chukua Chujio la mwanamke mwenye akili, kile Biblia ilichosema, unaona, ndipo ugeukie mbali na hilo. Unaona? Usifanye hilo.

Mimi ni ndugu yako, na nawapenda. Sina lolote dhidi yenu. Mungu anajua. Na hilo ndilo hunifanya niseme yale mambo ninayoyasema, ni kwa sababu yaya upendo wa Mungu kwenu. Ikiwa mtu atakwenda nje kule na wasiwaambie, mchungaji wenu anawaachia mkae hapo na kutenda namna ile, yeeye hawapendi ninyi. Hawezi kuwapenda. Mimi singetaka namna ile ya upendo kwa ajili ya wanawake. Nataka niwe na kivutio kitakatifu kwa dada yangu. Nataka yeeye awe dada yangu kikweli kweli. Sio mtu fulani aweze kusema, mtu fulani azungumze juu ya yeeye kuwa wa kupendeza mno na jinsi alivyo, na wale washindi wa mashindano ya jinsia ya urembo. "Anakwenda kwa ... Huhuh. Hapana. Nataka yeeye awe mwanamke wa heshima!

Ewe Bwana, nihifadhi chini ya mwamba. Ndiyo. Katika Waefeso 5:26, njia moja pekee unayoweza kupitia ule Mwamba, hiyo ni "Kuoshwa kwa maji ya utenganisho kwa lile Neno." Hiyo ni sahihi.

75 Sasa, usimruhusu huyu Shetani akunyunyizie elimu yake. La, hapana. Itaua ushawishi wako. Usimruhusu Shetani auchukue huo, "Vema, mimi ni wa kanisa lile ambalo mama yangu alikuwemo, lile la baba yangu, nyanya yangu." Usimruhusu Shetani akunyunyizie hilo. Biblia imeshasema tayari, kwenye Vipindi Saba vya Kanisa, na mambo pale, yote yamekwenda kwenye mbegu! Hiyo ni sahihi. Lile jambo lote limechafuka. Lile jambo lote ni kidonda kilichoza. Usimruhusu akunyunyizie, kusema, "Vema, ni maadili ya juu zaidi. Sisi tumeeelimika kuliko tulivyokuwa katika siku za zamani." Usimruhusu Shetani aweke hilo juu yako. Nimewaonyesha mpango wake wote wa ustaarabu, elimu na sayansi. Anao huo ndani kabisa ya kanisa, na msisikilze hilo. Ondoa kichwa chako kwenye zile televisheni chafu na vitu vya namna hiyo!

76 Na somo letu linasema, , "Msifuatishe, bali mgeuzwe." Sio kuingia na kusema, "Niliithibitishwa, Jumapili." Hapana. Ingia ndani na ubadilishwe umbo sasa hivi, ubadilishwe kutoka kile ulicho, kwenda kile Mungu anachotaka uwe.

Sasa, inategemea ni aina gani ya mbegu iliyoko ndani yako. Ikiwa mbegu ya kiakili, kielimu imewekwa ndani yako, kuna kitu kimoja pekee inachoweza kufanya, kuumbua umbo, hivyo tu, kuwa mwana au binti wa Mungu. Ndio kitu pekee inachoweza kufanya. Watu leo, ninapotazama huko na huko, wanatenda kama vile hata hawaamini kuna Mungu.

77 Samahani kwa usemi huu. Ikiwa mtu yejote hisia zake zinaumizwa na hili, simaanishi hilo. Jumapili kadhaa zilizopita nilialikwa, na binti yangu mwenyewe, kuja kwenye seti ya televisheni na kutazama uimbaji wa nyimbo za kidini. Ilikuwa Jumapili asubuhi. Nilitaka kumsikia Oral Roberts kwenye idhaa yake ya matangazo ya hewani, nikawaambia wanitaarifu. Akasema, "Unausikia huu, huu ni wimbo mkuu unaimba." Mwana wangu akiwa amesimama pale, aliniambia kuhusu hilo vile vile. Na nikaizima ile televisheni

...

Tumepanga nyumba kwa mwanamke mwenye televisheni katika nyumba yake.

Kamwe Sikusudii kuwa nayo katika nyumba yangu. Hapana bwana. Sitaki kile kitu ndani ya nyumba yangu. Ningelipua kwa bunduki yangu. Sitaki kuhusika na chochote kuhusu hicho kitu kiovu. Ndiyo, bwana! Lakini chukua ...

78 Hebu niwaeleze kuhusu ninyi Waarizona hapa. Mliona ule mchanganuo siku ile nyingine, wa mashule, sivyo? Asilimia themanini ya watoto katika shule za Arizona wana matatizo ya upungufu wa akili, asilimia sitini na saba yao walidhurika kwa kuangalia televisheni. Vipi kuhusu hilo?

Ni vyema ungekuwa umetumia bunduki yako! Unaona? Sasa, usimruhusu Shetani akunyunyizie hilo. Hapana, bwana. Sasa watu, kama nilivyosema, watu wanafanya kama vile hawatakuja kwenye Hukumu.

Hawa wavulana na wasichana, walikuwa na familia ya Kihindi, na vitu vingi. Nafikiri yule mtu aitwaye Bwana Pool ndiye kiongozi wake. Na kama niliwahi kuona dhihaka ya kisasa ya nyimbo, ni jinsi wao walivyoliendesa hilo; kundi la vijana wakora wakiwa wamesimama pale, wakitikisa mikono yao juu na chini.

79 Hakika mimi nilipendezewa na yule kijana hapa asubuhi hii, yule aliyeimba, alionekana mwenye heshima, kama mtu halisi. Na-napenda hilo. Wakati ninyi-ninyi wafanyabiashara wakati mwengine hapa mnapatia kundi la hawa vijana wakora wanaosimama hapa, na kushangilia na kupiga kelele, na kufanya vitendo hovyo, na wanashikilia pumzi yao hadi wanakuwa wa bluu usoni; na huo sio uimbaji, hiyo ni kufanya tu kelele nyingi za kisayansi. Uimbaji ni "sauti tamu zinazofuatana kutoka moyoni."

80 Na nikawaza, "La kusikitisha jinsi gani! Ni la aibu jinsi gani! Kwa hiyo jinsi gani chini ya jina la dini, wanatenda kama vile hakuna Mungu! Mtu fulani alisema, siku ile nyingine, kwa yule mvulana ambaye amempenda binti yangu. Mvulana Mkristo akasema, akatoa maoni ya kisasa kuhusu Adamu na Hawa, akasema, "Hawa akitembea bustanini. Akasema, 'Watoto, mnaona ule mti pale?' Akasema, 'Pale ndipo mama yenu alitula kutoka kwenye nyumba na nyumbani.'" Ungeweza kuwazia, alipaswa kuwa Mkristo thabiti, ambaye angechukua ahadi na Neno la Mungu na kulitupa kwenye zizi la nguruwe! Wanafanya kama vile hawapaswi kuja kwenye Hukumu. Lakini Mungu ataleta kila siri katika Hukumu. Wanafanya kama vile hakuna Mungu.

81 Sitaki kuwaita wapumbavu, kwa sababu Biblia ilisema ... mpumbavu, sio sahihi. Yesu alisema sio hivyo. "Usimwite mtu mpumbavu." Lakini katika Zaburi 14:1, "Mpumbavu amesema moyoni mwake, 'Hakuna Mungu.'" Unaona? Wao wao sio. Sitaki kuwaita wapumbavu, lakini wanatenda kama ndivyo walivyo. Wanatenda kama hilo.

Kwa hiyo, unaona pale tulipo leo, kama vile hakuna Mungu. "Mimi ni wa kanisa! Na wote jambo lote, Biblia, ni mzaha mkubwa. Kanisa letu wanajua kule wanakokwenda!" Naam, moja kwa moja kuzimu. Na moja kwa moja hasa kwenye njia yao, kupitia sayansi na elimu, seminari za thiolojia na vitu, zikiwapitisha bila vikwazo katika hiyo barabara. Roho Mtakatifu hajawa na nafasi kutoa ufunuo juu ya chochote; seminari imefanya kuondolea hilo mbali.

Roho Mtakatifu ndiye wa katuongoza; sio seminari, sio maaskofu na wasimamizi, na kadhalika. Roho Mtakatifu ndiye Kiongozi wetu. Uh-huh.

82 Kaini alikuwa mtu kama huyo. Alikuwa wa kidini mno kwa kweli. Sasa, ikiwa dini ndiyo yote yale unayopaswa kuwa nayo, basi Mungu mwonevu kwa kumtia Kaini hatiani. Kwa sababu, ye ye alikuwa wa kidini ye ye alikuwa wa kidini na myofu wa moyo kama tu Habili alivyokuwa. Sasa kumbuka, ye ye alimwaza Mungu, alimwabudu Mungu, alikuwa na kanisa, alijenga madhabahu, alifanya dhabihu, aliomba, aliabudu, lakini alikataliwa. Haidhuru jinsi gani ... Esau alikataliwa vile vile. Unaona?

Dini, unaona, hiyo ni kazi ya Shetani; sio kuua jambo lote, ila kulinajisi tu. Hivyo tu. Haendi kuua jambo lote. Ee, sio wakomunisti; la, hapana, mpingakristo sio ukomunisti. Biblia ilisema, "Lingewadanganya Wateule kama ingaliwezekana." Usiangalie pazia la chuma, bali lile la zambarau. Uhuhuh.

83 Lakini, tazama, Kaini alikuja kuabudu, lakini alikuwa na mbegu ya makosa ndani yake, mbegu ya nyoka. Ule mlion sss wa nyoka ulikuwa umepita juu yake, kwani ye ye alikuwa mbegu ya mwanamke. Alijua mapenzi makamilifu ya Mungu, lakini alikataa kuyafanya. Mlijua hilo? Shetani anajua mapenzi makamilifu ya Mungu, lakini hukataa tu kuyafanya.

Tazama, yeye alikuwa amemwona Mungu akiuthibitisha ujumbe wa Habili. Sasa nataka mfikiri, tumieni Chujio lenu la mtu mwenye akili sasa kwa dakika moja. Ujumbe sahihi wa Habili, ule Mungu aliouthibitisha kuwa ile Kweli! Mnachora sasa? Uh-huh. Ujumbe wa Habili ulikuwa umepokelewa, na Kaini alilionia hilo na kujua kuwa Mungu alikuwa ameuthibitisha ule ujumbe kuwa sahihi. Lakini yeye hangeweza tu kufanya hilo. Kiburi chake kilimweka mbali na hilo. Yeye alimwona Mungu akiuthibitisha ule ujumbe.

84 Kwa hiyo inaonekana sasa kuwa, vigumu mno kwa watu kujinyenyekesa wenyewe kwa Neno la Mungu. Wao, wao hawataki tu kufanya hilo. Watajinyenyekesa wenyewe kwa kanuni za kanisa, hakika, lakini sio kwa Neno la Mungu.

Ikiwa unataka kupata hili, uende ... Nina Maandiko hapa, hayo ndiyo ninayoyanukuu hapa. Mwanzo 4:6 na 7, Mungu alimwambia Kaini, akasema, "Kwa nini uso wako umekunjamana? Kwa nini una ghadhabu, ukitembea? Umesikia tu ujumbe uliokufadhaisha." Akasema, "Vema, unatenda hilo kwa ajili gani? Kwa nini uso wako umekunjamana, kwa sababu sikuja kanisani kwako? Hivyo kwa nini ulifanya hilo?

Je, unatumia Chujio la mtu mwenye akili? Unaona?

Au, "Kwa nini huku ... Kwa nini unaonekana hivyo?" Akasema, "Kama ukitenda vyema, nenda ukafanye kama ndugu yako anavyofanya nje kule, nitakupokeea na kukubariki. Nitakufanya jambo lile lile." Lakini hangeweza tu kufanya hilo. Akasema, "Sasa, kama hufanyi, dhambi ya kutokuamini inakuotea mlangoni."

85 Sasa wao wanapotuambia, "Siku za miujiza zimepita." Na wanalionia likithibitishwa kikamilifu na kuhakikishwa, unaona, mambo haya yote Mungu aliyohadi Yeye angefanya katika siku za mwisho, ya Ufunuo 10 na Malaki 4, mambo yote yale yamethibitishwa kikamilifu. Tatizo ni nini, ndugu? Kuna jambo gani lililokwenda vibaya, unaona?

Ikiwa hawafanyi; kutokuamini, ambako ni dhambi. Kuna dhambi moja pekee, hiyo ni, kutokuamini. Hiyo ni sahihi. Huhukumiwi adhabu kwa sababu unakunywa pombe, unavuta sigara, unatafunu, unavaa kaptula, unafanya chochote kile unachofanya. Hapana, hilo halikuhukumu. Ni kwa sababu huamini. Kama uliamini, huwezi kufanya hivyo. Unaona? Mwamini hafanyi hivyo. Huchukua Chujio la mwanamume mwenye akili, unaona, unaona, au Chujio la mwanamke mwenye akili, mojawapo. Vema. Lakini, unaona, dhambi inakuotea mlangoni.

86 Sasa tazama kile ambacho hilo lilimfanya Kaini, na itakuwa hivyo hivyo leo. Lilimfanya Kaini aondoke aende akiwa mtenda dhambi wa kukusudia. Yeye aliasi kwa makusudi. Na kila mtu atakuwa vivyo hivyo. Alikaidi kwa kusudi baada ya yeye kuona ujumbe wa Habili ukithibitishwa na Mungu, kuwa ulikuwa ukweli, na kakataa kufanya hilo. Akafanya kitu kile kile wakati huo.

Ndipo akavuka mstari wa utenganisho.

Kuna mstari unaoweza kuvuka. Mnaujua huo, sivyo? [Kusanyiko linasema, "Amina." -Mh.] Sasa, wahudumu, hapa na nje katika-mtando wa simu ambako hili linafika kwa kuenezwa kwa redio kote katika taifa, mnatambua hilo? Unapoona ni Andiko, nawe huwezi kulifanya hilo, Mungu siku zote hawezi ... Yeye ata ... Ee, utaendelea, kubarikiwa. Ndivyo ilivyokuwa kwa kila mmoja wa Israeli, walikaa jangwani, na kulea watoto, mazao, na wakabarikiwa, na kila kitu, lakini, "kila mmoja wao ametengwa Milele na Mungu." Yesu alisema hivyo. Ee, ndiyo, Mungu ataendelea kukubariki, lakini umekwisha. Hakika. Hilo ndilo Biblia inasema sasa, hicho ndicho Yeye alichosema. Tazama, unaweza kuvuka mstari wa utenganisho. Unaamini hilo? ["Amina."] Kaini alifanya hilo.

87 Hebu-hebu tufungue hapa kwa dakika moja, nina Waebrania 10:26. Hebu tuone ikiwa naweza kupata hilo kwa haraka. Kitabu cha Waebrania, ile sura ya 10 na ile ... Naamini, ile aya ya 26. Ninayo imeandikwa hapa. Kwa dakika moja tu, kama mtanivumilia, na hebu tusome Hilo kwa dakika moja. Vema, tumelipata.

Maana tukifanya dhambi kusudi baada ya ... kuupoea ujuzi wa ile kweli, haibaki tena dhabihu kwa ajili ya dhambi;

Bali kuna kuitazamia hukumu kwenye kutisha, na ukali wa moto ulio tayari kuwala wao wapingao.

Hiyo ni HIVI LASEMA NENO TAKATIFU LA MUNGU. Ikiwa kwa kusudi tutaacha kuamini baada ya kuona Hilo na kulisikia, basi tumekwishavuka ule mstari. Kamwe

hakutakuwa na msamaha kwa ajili ya hilo, umekwishavuka ule mstari.

“Ee,” unasema, “Mungu bado ananibariki.” Ee, naam.

88 Kumbuka Israeli, mistari ya mpakani. Wakati Mungu alipowapa ahadi, pale katika Nchi Takatifu; katika nchi, ilikuwa nzuri, ya maziwa na asali. Na wakati Musa alipowatuma Kalebi na Yoshua, na wapelelezi kwenda na kupeleleza ile nchi, na kuleta ushahidi uliothibitishwa.

Wale kumi kati yao wakasema, “Hatuwezi kufanya hilo. Hatuwezi. Tazama ule ugumu pale. Tutakuwa wenyewe imani kali ya dini bila kutumia akili. Tunavyo hivi vitu vidogo vya kupigana. Tazama vile wao walivyo navyo. Sisi, hatuwezi kufanya hilo. Sisi hatuna uwezo wa kufanya hilo.

Yoshua na Kalebi wakasema, “Sisi tuna zaidi ya uwezowa kufanya hilo! Mungu aliweka ahadi.”

Na, kumbuka, waligeuka nyuma. Pale ilikuwa Kadesh-barnea. Na waligeuka nyuma na kuwa wazururaji jangwani. Na kila mmoja wao alikuwa, na amepote milele. Yesu alisema hivyo.

Usivuke ule mstari wa utenganisho, unaona. “Unapoju kutenda mema, nawe hutendi, kwako wewe ni dhambi.”

89 Israeli walifanya hivyo hivyo. Baada ya kumwona Musa akithibitishwa, na halafu wakamruhusu Balaam akawanyunyizia, ile Mbegu ya thamani iliyothibitishwa. Mchungaji (kamwe) usiseme lolote dhidi ya hili Neno. Mtazame Balaam, yeze alikuwa nabii, naye aliona ile Mbegu ya Mungu, ikithibitishwa. Lakini chini ya dhehebu lake kuu aliloishi ndani yake, Moabu waliona lile kundi la wazururaji likija kupidia ile nchi, yeze akalinyunyizia hilo, na kusema, “Vema, subiri kidogo. Sisi sote ni Wakristo. Sisi sote tu waamini. Mbona, baba zetu na baba zenu ni wale wale. Je, sisi sio watoto wa Lutu? Je, Lutu hakuwa mtoto wa dada yake Abrahamu? Je, sisi sote sio sawa? Na touane mmoja kwa mwengine.” Na Israeli, kama Hawa katika Bustani ya Edeni alivyomruhusu Shetani amnyunyizie, yeze aliinyunyizia Israeli kupidia nabii wa uongo. wakati, nabii halisi alikuwa pamoja nao, akiwa na Neno lilothibitishwa. Lakini kwa ufahamu wa maarifa ya kiakili, aliwanyunyizia. Liwazie hilo sasa, kamwe halikusameheka, ile dhambi haikusameheka.

90 Zile mbegu ziliozea humo humo zilikowekwa zio, njiani kwenda nchi ya ahadi. Kila mmoja wao aliangamia na kuoza, pale pale kanisani, wakiwajibika katika kazi zao, wakimfuata Mungu. Na kumruhusu Shetani awanyunyizie ile dawa ya kiakili juu yao, ya kielimu, ufahamu wa kiakili, wakisema, “Mbona, sisi sote tuko sawa, sote ni watoto wa Mungu.” Sio! Lakini yeze aliruhusu yule mwalmu wa uongo pale awanyunyizie kwa ule ufahamu wa kiakili ule yeze aliokuwa nao kuhusu Hilo.

Na kama tu Muungano wa Madhehebu unavyofanya sasa hivi, unaona, jambo lile lile, “Mbona, sote tutaungana pamoja katika shirika moja kuu.” Mfumo wenu mzima wa shirika la dini ni wa Shetani. Ni alama ya mnyama, katika Biblia. Nitakuwa na kitabu juu ya hilo, hivi punde, Bwana akipenda.

91 Tazama, katika wakati wa Nuhu, wakiona Neno likiundwa ili kuelea. Sasa hebu nzungumzie hilo kidogo hapa, Neno likiwekwa pamoja kubadilishwa kutoka ardhini hadi angani. Wakiona muundo wa kile kitu; lakini kwa dhana yao ya kiakili, walicheka waziwazi mbele ya nabii, Nuhu, alipokuwa akitabiri juu ya wakati wa mwisho. Lakini nini ... Ule muundo ulifanywa na Neno la Mungu, uliotulizwa ndani na nje, kwa maombi na imani. Mvua ilipokuja, dhana zote za kiakili za dini zilikufa na kuoza pale pale katika ... kule kule katika makanisa yao, pale pale ardhini. Na ile safina ikaelea juu ya hiyo yote.

Ile mbegu ya kisayansi iliyonyunyiziwa dawa ikaiza pale pale hukumuni.

92 Tunajaribu kufanya nini, hata hivyo, je, tunajaribu kujenga heshima ya kanisa letu au tunajaribu kujenga heshima ya Neno la Mungu? Tunajaribu kufanya nini? Tunafanya kazi wapi? Je, tunajaribu kurudisha watu katika Hili? Je, hiki kipindi kikuu kinajaribu kufanya nini hapa katika siku hizi za mwisho, hii Edeni ya kanisa?

Ninakwenda kuondoka moja kwa moja, ndugu, kwa sababu muda umekwenda mno. [Ndugu mmoja anasema, “Endelea!”-Mh.] Nipeni tu kwenye dakika kumi na tano zaidi na nitaishia penye Maandiko yangu, yangu hapa. [“Hakika , endelea.”] Naam. Ninajua. Vema, wale watu huenda wanataka kuingia hapa na kupasafisha. Lakini

inaonekana ni vigumu kwangu kuondoka. ["Endelea tu." "Vema, hakuna haraka."] Nitaharakisha. Vema.

93 Tazama Hawa mkuu, wa kisayansi, kielimu, chotara wa leo, aitwaye kanisa, anajaribu kufanya nini? Je, anajaribu kulitukuza Neno la Mungu, na kuruhusu watu kufanya jinsi wanavyofanya? Hawatumii Chujio la mtu mwenye akili, au, Chujio la Mungu. Tazama kile wanachounda. Wanajitikuza wenyewe. Kanisa, katika mbegu yake iliyoumbuka ya mpango wa maarifa, limesababisha jamii yote wawe wasioujua lolote kisayansi juu ya Neno la Mungu. Sasa nitayahifadhi hayo maoni, mimi sitaendelea kuyazungumzia kwa kirefu mno sasa bila kumaliza. Kisayansi ni wasiojua!. Wakati Mungu, hapa hapa duniani, akifanya mambo ambayo Yeye anayafanya, kwa Neno Lake la ahadi, nao wanalipuza Hilo na kuondoka kwa sababu kisayansi ni wasiojua. Kisayansi ni wasiojua.

94 Nilikuwa natabasamu kwa sababu ya Ndugu Williams hapa, aliandika hapa kwenye kipande cha karatasi, "Unaweza ukahubiri kuhusu hilo mchana wote," jambo fulani, nashukuru kwa hilo, hilo ni zuri kweli.

95 Lakini watu wana-wanafanya dhambi kusudi. Imeleta u-ule mfumo wote wa ulimwengu wa kanisa leo katika dhambi ya kusudi dhidi ya Mungu. Mbona, mwenendo mwema wa kawaida utakuthibitishia kuwa Hilo ni sahihi. Vema. Pazia la tamaa mbaya lilipofusha macho yao, kwenye Neno la Mungu na kujikuta mwenyewe yuko uchi tena. Unajua, Mungu, katika Ufunuo 3, alisema, "Njoo, ununue dawa ya kujipaka macho toka Kwangu, ili macho yako yapate kuona." Unaona, dawa ya macho ni Neno Lake.

96 Unajua, wao husema, "Vema, huyu mtu alisoma miaka arobaini, ili kupata shahada zake. Yeye ni BLD, DD, na lote hili.

Unajua kile Yesu alichosema kuhusu hilo? Alisema, "Mtu na ajikane mwenyewe." Paulo alifanya hivyo.

Unasema, "Hilo halimaanishi hicho."

Vema, kwa nini Paulo alilifuatilia hilo, basi? Yeye alisema, "Sikuja kwenu nikiwa na maneno ya ushawishi ya hekima ya kibinadamu, kwa sababu mnejengwa matumaini yenu juu ya hilo. Lakini nilikuja kwenu katika nguvu na madhihirisho ya Roho Mtakatifu, kwamba neno lenu lingekuwa ... imani yenu ingejengwa juu ya Neno la Mungu, sio madhihirisho ya hekima."

97 Inaonekana kuwa watu wanapoteza heshima yao ya kawaida na adabu. Hawako kama walivyokuwa kwanza. Ilikuwa, nabii aliposema, "HIVI ASEMA BWANA," watu walitetemeka. Naam, wao hakika walifanya hivyo. Watu walisisimka, kwani waliogopa. Lakini sasa wao wamepoteza woga wao wote kwa Hilo. Wao hawamwogopi Mungu.

Sulemani alisema, "Ku-kumcha Mungu ndiyo chanzo cha hekima," mwanzo wake tu.

Lakini nabii anaweza kunena HIVI ASEMA BWANA; watu wanasema, "upuzi!" Unaona, hakuna tumaini kwao. Ni, wao wanasema, "mbona, tu werevu. Tuna akili nydingi, hatupaswi kupokea kitu cha namna ile! Tunajua kile tunachokiongea!"

Ni mithali ya zamani vile vile, kwamba "Wapumbavu watatembea na viatu vya chuma pale Malaika wanapoogopa kutembea." Hakika.

98 Sasa, ubadilishaji umbo ni nini? (Haraka) Tunalipataje? Ubadilishaji umbo huwa unafanya nini? Mungu hulifanya kwa Roho wa Neno Lake. Yeye hugeuza. Yeye hupanda Mbegu Yake, anaitupia Roho Wake juu Yake, nayo huzaa. Roho Wake Mtakatifu hubadilisha Neno lililo Mbegu ili kuthibitisha jinsi yake.

Wewe ni mbegu ya jinsi gani, hiyo inaonyesha tu kile kilicho ndani yako. Huwezi kukificha. Chochote ulicho ndani, kinajionyesha nje. Huwezi tu kuliepuka hilo. Huwezi kuufanya ule mti kitu kingine isipokuwa kile ulicho. Unaona, ita-itakuwa hivyo. Roho Mtakatifu hubadilisha umbo la zile mbegu zilizoko ndani yake. Haidhuru ni mbegu ya jinsi gani, ataibadilisha umbo. Ikiwa ni ovu, itazaa uovu. Ikiwa ni ya unafiki, itazaa mnafiki. Ikiwa ni Neno la Mungu halisi, itazaa mwana na binti halisi wa Mungu, kuitia Chujio la mtu mwenye akili. Ile Mbegu inapoota, inakuja kuitia Hilo, Inazaa mwana na binti wa Mungu.

99 Siku moja ulimwengu ulipokuwa umelala katika giza la vurugu, Mungu ... Sasa sikilizeni kwa makini, kwa sababu hatuendi kunena ... kwa kirefu zaidi kidogo. Tazama.

Siku moja ulimwengu ulipokuwa tena katika namna zote za dini, kunawa mikono, makopo, kuvala kanzu mablimbali na kofia, na kadhalika, ulikaa katikati ya vurugu kuu. Israeli halisi wa Mungu na walikuwa wamepotoshwa mno kutoka kwenye sheria na amri za Mungu, Yesu alisema, "Ninyi, na mapokeo yenu, hufanya Neno la Mungu lisiwe na nguvu kwa watu kwa mapokeo yenu." Na watazame wale makuhani watakatifu, wao wanawaita hivyo; na Yesu alisema, "Ninyi ni wa baba yenu Ibilisi, na kazi zake ndizo mzifanyazo." Unaona, hicho ndicho hasa Yeye alichosema.

100 Sasa ulimwengu ulipokuwa katika ile aina ya matatizo, Roho wa Mungu alipita tena juu ya Mbegu ile iliyochaguliwa tangu asili. Yeye alibadilisha na kugeuza Isaya 9:6 ya ahadi Yake; Yeye, Mungu, aliumbika katika mwili wa kibinadamu, ili kuokoa ule wakati wa vurugu. Wakati mtu alipoumbwa kwa mfano wa Mungu, hapa Mungu anakuja, kwa njia ya nabii akitangulia kuliona hilo kimbele ... Sasa kumbuka lile Neno, nabii aliliona kimbele, nabii yule yule tu aliyemwona Shetani katika siku hizi za mwisho, unaona, juu ya huu mpango wa kielimu na vitu alivyo navyo, mpango wa kidini. Nabii yule yule, Isaya 9:6, alisema, "Maana kwa ajili yetu Mtoto amezaliwa, tumepewa Mtoto mwanamume; na Jina Lake ataitwa 'Mshauri, Mfalme wa Amani, Mungu mwenye nguvu, Baba wa Milele , Maongeo ya enzi Yake hayatakuwa na mwisho kamwe." Na hilo lilikuwa Neno la Mungu. Na Roho alipitia juu ya lile Neno, na likafanyika mtu katika tumbo la uzazi la bikira, "mwana amezaliwa" sio kuumbwa, "kuzaliwa."

101 Shetani alijaribu na kujaribu tena, kulinyunyizia Hilo. Alimchukua Yeye juu na kusema, "Ikiwa Wewe u kile unachosema, Ndiwe, basi fanya huu uponyaji hapa kwa ajili yangu. Nionyeshe jinsi Wewe unavyoweza kuufanya huo. Geuza huu, mkate, na hili jiwe kuwa mkate. Hebu tukuone ukijirusha, kwa sababu Andiko linasema Wewe utafanya hivyo.

Je unayaona yale mapepo ya kidini leo bado yakisema jambo lile lile? "Ikiwa kuna kitu kama uponyaji wa Kiungu; hapa amelala Ndugu Fulani, hebu tuone ukimponya."

Shetani yule yule alimwendea Yesu, pale msalabani, akasema, "Ikiwa Wewe ni Mwana wa Mungu, shuka toka msalabani."

Neno lilisema kuwa Yeye alikuwa Mwana wa Mungu. Roho alithibitisha kuwa Yeye alikuwa Mwana wa Mungu. Isaya 9:6 ilitimia. Na usiku ule mwengine, wengi wenu mlisikia kwenye redio jinsi tulivyotoa Maandiko karibu sitini hivi, naamini, juu ya kuthibitisha kuwa Maandiko yalisema kuwa Yule alikuwa Ndiye.

102 Ee, Shetani alijaribu na kujaribu tena, akafanya kila kitu. Usiku mmoja, akiwa amelala nyuma ya meli, yeye alimwona Yeye akiwa amelala. Na yeye akasema, "Nitamwangamiza Yeye sasa hivi." Lakini hakuweza.

Alijaribu kumtia Yeye katika jaribu la kutenda jambo la makosa, lakini yeye hakuweza kufanya hilo. Kwa nini? Yeye alikuwa amenyunyiziwa dawa ya kuzuia mashambulizi, alivyochedguliwa tangu asili. Haiwezi kudanganywa. La, hapana. Lile Neno lilisema kuwa Yeye angekuwa hapa. Amina. Hakuna pepo lingekwenda kumsumbuu Yeye, na hakuna mwana mwengine wa Mungu, aliyechedguliwa tangu asili kuchukua mahali pake. Yeye amenyunyiziwa ile dawa ya kuzuia mashambulizi. Sumu ya Shetani, madaktari wa kidhehebu hata hawamgusi Yeye hata kidogo. Yeye huendelea mbele moja kwa moja, hakuna kitakachomsumbuu Yeye, unaona. Haikuwa na nguvu yoyote juu Yake.

103 "Vema, nitakufanya Wewe uwe askofu wa dunia yote. Nimeitawala. Ikiwa tu Wewe utaniabudu mimi, njoo ujiunge na kundi langu, nita-nitakufanya Wewe kuwa mtawala. Nitaachia madaraka, kukuruhusu Wewe uwe mkuu.

Yeye akasema, "Kaa nyuma Yangu, Shetani. Imeandikwa, 'Umwabudu Mungu, aliye Neno, na Yeye umtumikie Yeye pekee.'" Ndipo siku moja ...

Juu ya huyu Mtu mkuu, ningependa kuendelea kuzungumzia kwa kitambo.

Lakini siku moja, Roho alikuja juu Yake tena; kwa sababu kulikuwa na Neno lililokuwa limeandikwa kumhusu Yeye, lililotoka kwa Mungu, kuitia nabii, "Na Yeye aliongozoa kwenda machinjoni, kama mwanakondoo." Na Roho alikuja juu Yake, na kumwongoza Yeye, na kumpeleka Yeye msalabani Kalvari. Pale Yeye akafa. Na kila kitu kilichonenwa juu Yake katika kifo Chake, kilitimizwa, ili kuleta Nuru na Uzima kwa mbegu yote ya Mungu iliyochagulia kimbele iliyokuwepo duniani. Yeye alileta njia ya kufanya hilo. Ile Mbegu iko hapa, yule Roho huleta Uzima; akibadilishamaumbo ya wana

na mabinti wa Mungu, kutoka ulimwenguni katika vurugu hii ya giza, kuwa wana na mabinti wa Mungu.

104 Usijikwae kwenye hilo neno "kuchaguliwa tangu asili." Najua mnajikwaa. Lakini, sikilizeni, Hili sio neno langu. Ni moja ya Maneno ya Mungu. Mnataka kulisoma, someni Waefeso 1:5, ambalo, "Kwa kuwa alitangulia kutuchagua, ili tufanywe wanawe kwa njia ya Yesu Kristo." Unaona?

Hebu nilirahishe hili kwa dakika moja tu, kwa dakika moja tu, kulirahisisha hili toka akilini mwako. Tazama. Kama tu ulivyokuwa ndani ya baba yako, hapo mwanzo, chembe ya mbegu. Mlijua hilo, kila mmoja wenu? Ulikuwa ndani ya babu-babu-babu-babu yako, vile vile, ulijua hilo?

[Kusanyiko linasema, "Amina." -Mh.]

Someni Kitabu cha Waebrania, pale ambapo tunakuta kuwa Lawi alilipa zaka zake yeye alipokuwa katika viuno vya Abrahamu, vizazi vinne nyuma yake. Wakati Abrahamu alipolipa zaka zake kwa Melkizedeki, ilihesabiwa kwa kilembwe chake chini yake, na alikuwa pale katika viuno vya Abrahamu.

Ndiyo hivyo. Unaona?

105 Wewe ulikuwa katika viuno vya baba yako, lakini baba yako hangeweza kuwa na ushirika na wewe hadi ulipobadilishwa umbo kuwa mwili wa nyama.

Mwanangu pale alikuwa ndani yangu. Ni-ni-nilitaka mwana, lakini alikuwa ndani yangu wakati ule. Unaona? Alikuwa ndani yangu wakati ule. Lakini kuitia ndoa, yeye alibadilishwa umbo kuwa mwanaume kama mimi, na ndipo akawa kama mimi.

Nawe unakuwa kama wazazi wako, unaona, kwa sababu ilikuwa ndani yako, tangu mwanzo. Sasa ikiwa sisi ni wana wa Mungu, sifa Zake za kiasili... Ambapo, wewe ni sifa ya asili ya baba yako, sio mama yako; ila baba yako. Mbegu iko ndani ya baba. Unaona? Na sasa mama yako alikuwa kiangulio kilichokuzaa, kuzaa mbegu ya baba yako. Unaona?

106 Na dunia, katika mwili, ni kiangulio vile vile kinachozaa mbegu ya Mungu. Unaona, sawasawa tu. Sio ulimwengu, jinsi gani ulimwengu ulivyo mkuu; ni jinsi gani alivyo mkuu yule Mungu aliyeumumba. Unaona? Unaona?

Sasa ikiwa wewe ni mwana na binti wa Mungu, basi ulikuwa ndani ya Mungu hapo mwanzo. Wewe ni sifa ya asili Yake. Ikiwa hukuwa pale wakati huo, basi kamwe hukuwa au kamwe hutakuwa.

Bila shaka, siwezi kuzaa, toka kwenye viuno vyangu, mwana wa huyu mtu hapa au yule mtu pale, naweza tu kuzaa wana wangu mwenyewe, na wangefanana na mimi. Haleluya. Unaliona hilo?

107 Wana na mabinti walikuwa ndani ya Mungu hapo mwanzo. Sasa tazama. Unao Uzima wa Milele, unasema. Tunaamini hilo, kuwa tunao Uzima wa Milele. Vema, kuna namna moja tu ya Uzima wa Milele, na huo ni Mungu. Na hicho ndicho kitu pekee ambacho ni cha Milele, ni Mungu. Basi ikiwa unao Uzima wa Milele, ule Uzima ulio ndani yako ulikuweko wakati wote, nawe ulikuwa katika viuno vya Mungu kabla hata ulimwengu haujakuwepo. Na wakati Neno lenyewe ... Yesu Mwenyewe anaitwa Neno, na katika 1Yohana Mtakatifu, alisema, "Hapo mwanzo kulikuwako Neno, naye Neno alikuwako kwa Mungu. Naye Neno alikuwa Mungu. Na Neno alifanyika mwili na kukaa kwetu." Basi ulikuwa katika viuno vya Yesu, na ukaenda Kalvari pamoja Naye. Ulikufa pamoja Naye, na ukafufuka pamoja Naye. Na leo tunaketi katika makao ya mbinguni ndani Yake, tumejazwa kwa Roho Wake, wana na mabinti wa Mungu. Tulikufa pamoja Naye, tukafufuka pamoja Naye. Hakika.

108 Sasa basi, sasa, sasa unaweza kuwa na ushirika Naye. Usingeweza nyuma kule, kwa sababu ulikuwa tu Neno ndani Yake, mbegu. Lakini sasa Yeye amekudhihirisha, na sasa Yeye anataka wewe uwe na ushirika na Yeye. Ndipo Yeye alishuka chini, akafanyika mwili ili kwamba Yeye aweze kuwa na ushirika na wewe kikamilifu. Unaona ushirika mkamilifu? Ee, jamani, yale mafumbo ya kina ya Mungu! Zuri jinsi gani! Unaona, Mungu hangeweza kuwa na ushirika katika Roho, kwa hiyo Mungu akawa mtu pamoja nasi.

Yesu Kristo alikuwa Mungu Mwenyewe, aliyedhihirishwa, kwa sababu, Yeye alikuwa mwana kwa sababu Yeye alizaliwa, lakini ilikuwa tu hekalu kwa ajili Yake aishi ndani. "Hakuna mtu aliywemwona Mungu wakati wowote, ila Mzaliwa pekee wa Baba amemfunua

Yeye." Mungu alijijengea Mwenyewe nyumba, mwili wa kuishi ndani, akashuka chini ili uweze kumgusa Yeye. 1Timoteo 3:16, "Na bila shaka siri ya utauwa ni kuu; Mungu alidhihirishwa katika mwili, akaonekana na Malaika, akaaminiwa, akapokelewa juu Mbininguni." Unaona? Sasa Yeye ...

109 Wewe ukiwa mwili, na Yeye akiwa mwili, basi mnaweza kuwa na ushirika ninyi kwa ninyi, kwa sababu Yeye alikuwa sifa ya upendo ya Mungu. Mungu ni upendo. Je, hilo ni sahihi? Na Yesu alikuwa ndiye sifa ya upendo ya Mungu. Na ile sifa ya upendo ilipoonyeshwa, ambayo, hiyo ilikuwa Mungu Mwenyewe; sifa zote za asili Yake zilizokuwa zikimshikilia Yeye, zilikuja Kwake, "Wote alionipa Baba, watakuja Kwangu." Hakika, ilipasa wachaguliwe tangu asili. Kama haikuwa hivyo huwezi kuwa pale. Hivyo tu. Hakika.

Sasa tunaweza kuwa na ushirika, ulikuwa kupitia ule-ule utajiri wa Neno Lake, na ambalo wewe ni sehemu yake. Wewe ni sehemu ya Neno; kwa sababu Yeye alikuwa Neno hapo mwanzo, wewe ni Neno sasa. Unaona? Nahubiri usiku huu, au Jumapili ao moja ya siku nitakapoingia, kuhusu Neno ni nini, unaona. Na sasa wewe ni sehemu ya Neno.

110 Sikilizeni. Kuna jambo moja nisiloweza kulifanya. Siwezi kujivunia manbabu zangu wa zamani. Hapana, nimekuja kwa kupitia mlolongo wa machafuko ya kutisha. Baba yangu alikuwa Mwairishi. Mama yangu alikuwa mwanamke wa Marekani Mhindi, chotara wa Kihindi, mama yake alikuwa Mhindi, aliyekuwa anapokea malipo ya uezee ni sasa, wote, walevi, karibu wote walikufa wakiwa wamevaa viatu vyao, wakipigana, wapiganaji wa bunduki, na kadhalika. Siwezi kujivunia chochote kuhusu hilo, kwa sababu mababu zangu na nasaba yangu ni ya kutisha.

Lakini, ndugu, kuna kitu kimoja ninachowezza kujivunia, naweza kumjivunia Bwana wangu Yesu Ambaye amenikomboa. Na kwa nguvu Yake ya kubadilisha umbo alipanda mbegu, kwa kuchagua kimbele, na niliona Hiyo. Mimi ni mwana wa nani sasa? Naam. Naweza kumjivunia Yeye. Na nimetumia miaka thelathini ya maisha yangu, nikimjivunia Yeye. Ikiwa angenipa miaka mingine thelathini, nitajaribu na mitatu kumjivunia Yeye zaidi. Unaona? Naweza kumjivunia Babu yangu wa kale haleluya, Yeye Yule aliyenikomboa na kupanda mbegu ya Uzima ndani hapa, na kuniruhusu kutazama penye hili Neno, akamtuma chini Roho Wake na kusema, "Hili hapa. Nena hili, na litatukia. Fanya lile." Na ee, jamani, naweza kujimvunia, Yeye! Yeye alifanyaje hilo? Kwa njia ya uoshaji wa maji kwa Neno, maji ya utenganisho, ambayo tumeelezea kitambo kifupi tu kilichopita.

111 Waamini wa kweli waliochaguliwa tangu asili watadumu na Neno kwa sababu wao ni sehemu ya hilo Neno.

Ee, nyota zinazotangatanga, utatangatanga hadi lini? Ninyi Wamethodisti, Wabaptisti, Presbetarian, walio nje, chochote kile ulicho, nyota zinazotangatanga, toka kanisa hadi kanisa, toka nguzo hadi mahali, na televisheni hadi televisheni, ulimwengu hadi ulimwengu, kwa nini hamji? Yeye anatamani kuwa na ushirika na ninyi. Anawatamani. Yeye anataka kuwabadilisha kwa kufanya upya akili zenu, sio ufanane na kanisa au ufanane na dhehebu, ila ufanane na Neno Lake, ambalo wewe ni sehemu yake ikiwa ile shauku iko ndani yako.

Heri wenye njaa na kiu ya haki: kwani watashibishwa. (Unaona? Uh-huh.)

Na ametuma Nguvu Yake ya kubadilisha umbo, kukuleta nje ya huu ulemavu wa dini ambao wewe umo ndani yake. Katika hii vurugu ya ulemavu tuliyomo ndani yake, Mungu ametuma Nguvu Yake ya kubadilisha umbo, Neno Lake, lililothibitishwa, lililohakikishwa, kukuleta wewe nje ya huu ulemavu wa kidini wa kutojua ambao wewe unatembea ndani yake, "uchi, kipofu, mwenye huzuni, nawe hujui." Liwazieni hilo marafiki.

112 Mnajua, Mungu alituma nguvu Yake ya kubadilisha umbo ili kutimiza Neno Lake, na ikabadilisha mwili wote wa Sara na Abrahamu Alimbadilisha umbo mwanamume mzee na mwanamke mzee, kwa sababu Yeye aliahidi angelifanya hilo.

Na kile Mungu anachoahidi kufanya, Yeye atakifanya. Hakuna chochote ... chochote kile ... Kitu chochote kilichopotoshwa, ambacho Mungu hawesi kufanya chochote nacho. Lakini Yeye atatimiza Neno Lake, na Yeye atatuma Roho Wake! "Mimi niliye Bwana nimepanda Hilo. Nitalinyeshea mchana na usiku wengine wasije wakalipokonya kutoka

mikononi Mwangu." Biblia inasema hivyo.

113 Ee nyota zinazotangatanga, ninyi mlio na shauku moyoni mwenu! Sharti mwe nayo, au msingekuwa mmekeki hapa asubuhi hii. Na msingekuwa katika yale makanisa na kumbi, na vitu mlivyo ndani yake, nje na kote nchini, ikiwa Jambo Fulani hata lisingewaleta ndani pale. Mtu fulani alizungumza na wewe. Msiedelee zaidi. Kuna uoshaji wa maji kwa Neno, ambao utakufanya uwe mweupe kama theluji. Ee, wana wa Mungu, sikilizeni! Msikae katika ule ulemavu. Tokeni nje ya huo. Abrahamu alimwamini Mungu na kuita kila kilicho kinyume ...

Unasema, "Nitaishije? Ningefanyaje hili?" Hiyo ni kazi ya Mungu.

"Ningefanyaje? Washirika wangu watanikataa."

Mungu alisema, "Yeye atakayemwacha baba yake, mama, mke, mume, nyumbani, nyumba; nitawapa nyumbani na nyumba, nitawapa baba na mama, na ndugu na dada, katika huu ulimwengu, na Uzima wa Milele katika ulimwengu ujao." Ni ahadi, rafiki. Hiyo, ee, hiyo inapasa inyeshewe! Kila ahadi Mungu anayoiweka hutimia. Kila Mbegu ya Mungu ni ahadi.

114 Na, dada, acha kukata zile nywele, kwa sababu ni kitu kisicho cha kawaida mbele za Mungu. Acha kuva zile nguo, ni machukizo Kwake!

Ninyi ndugu, wewe mwanamume, acheni kulisha haya madhehebu, katika kufanya vitu, na kuruhusu wake zenu kufanya vitu kama hivi. Haifai kwa Wakristo.

Rudini kwenye Neno! Chukueni lile Neno, litakua. Litamea. Inabidi likue. Nguvu ya Mungu ya kubadilisha umbo iliyoluza Hilo kwanza, Yeye yuko njiani tu akirejea, akilirudisha tena sasa. Yeye anarudi moja kwa moja tena pale lilipokuwa.

115 Enoki alihamishwa, kutoka kwenye mauti, kwa nguvu ya Mungu ya kubadilisha umbo. Mungu alifanya hilo kwa ajili ya nini? Kwa ajili ya mfano wa kunyakua Kanisa kunakokuja. Naam. Eliya alikuwa vivyo hivyo.

Mwili wa Yesu ulihuishwa baada ya kuwa ulikuwa umekufa. Na katika kaburi, mwili wa Yesu ulihuishwa na Neno la Mungu; na kubadilishwa umbo, kutoka umbo baridi lilitokufa, kwenda kwenye Mwana mtukufu wa Mungu, aliyefufuka. Kwa sababu nabii, Zaburi 16:10, kama mnataka kuliandika, 16:10, alisema, "Maana sitaiacha kuzimu nafsi Yake, wala sitamtoa Mtakatifu Wangu aone uharibifu." Ewe Mungu!

Lile Neno sharti litimie, ni Neno la Mungu! Lipande moyoni mwako, ikiwa unataka kwenda katika Unyakuo. Ikiwa mnataka kuwa Wakristo halisi, lipe hili Neno nafasi linayostahili. Ninavyoamini ilikuwa Ezekieli, Mungu alisema, "Chukua lile gombo na ule," kwamba yule nabii na Neno wangkuwa kitu kile kile. Na kila ahadi ndani pale inapasa ijidhihirishe yenye, kwa sababu ni Mbegu ya asili ya Mungu. Usiruhusu mwanathiolojia msomi nje hapa ajaribu kuisukuma itoke ndani yako. Usiruhusu akunyunyizie ile sayansi na maarifa ya kimwili, na elimu. Mwamini Mungu!

116 Abrahamu hakuukubali utafiti wa kisayansi wa siku yake, aseme, "Mimi ni mzee mno kuwa na mtoto, nimekwenda mbali mno. Nimekwishafanya hili, lile au lile jingine." Lakini yeye aliita chochote kile kilichokuwa kinyume, na Neno la Mungu, kama vile hakikuwepo. Naye hakuyumba kwenye ahadi ya Mungu, kwa njia ya kutokuamini; ila alikuwa imara, akimsifu Mungu. Yeye alijua kuwa Mungu alikuwa na uwezo wa kutenda kile Yeye alichaoahidi.

117 Ee, wana wanaotangatanga, wamelemazwa na mitambaazi ya dunia hii! Dada wanaotangatanga, kwamba hali ya kimazingira na mitindo ya kisasa ya ulimwengu huu imewavuta! Na, dada mpendwa, unaweza kuniona kama mzee mwenye mawazo ya ajabu, lakini moja ya siku hizi utakapokutana na kile Florence Shakarian alichokutana nacho usiku ule mwingine; yeye aliketi ndani ya hiki chumba, vile vile, mahali hapa, kama mnavyojua. Utakapokutana na hilo, utakuta kuwa, sio mimi, ila hili Neno ni sahihi. Ondokana na yale maduka ya vinyozi, yale maduka ya mitindo. Ondokana na hivyo vitu.

Unasema, "Kwa nini huwfundishi mambo makuu, jinsi ya kuwa hili?" Anza tu na ABC zenu, na ndipo tutakuja kwenye hesabu za herufi. Unaona? Anza tu kujifunza, "ambayo ni ibada yako yenye maana."

Basi nawasihi ninyi, ndugu, kwa huruma zake Mungu, kwamba mtoe miili yenu iwe dhabihu iliyo hai, takatifu, na yenye kumpendeza Mungu, Ndiyo ibada yenu yenye maana..

118 Ufanye tu, "Ibada yako yenyе maana," Mungu atashughulikia hayo mengine yaliyosalia; unaona, yawazie tu yale mambo unayoweza kuyafikiria mwenyewe katika misingi thabiti na uyatende. Je, sio ... Je si lisilo la busara kwa mwanamke kujivua nguo zake, na kwenda nje hapa na kufanya namna ile, wakati Biblia inalilaani hilo? Je, si jambo lisilo la busara kwa mwanamume kujivutia mwenyewe ndani ya karamu ya imani kama hii tuliyo nayo leo, na haya mambo yote hapa, na mambo yote haya ya seminari, na mambo kama yale, wakati hayo ni kinyume kabisa na Neno la Mungu? Unaona?

119 Midomo ya Isaya, yeye alikuwa tu mtu wa kawaida wa midomo michafu. Alisema, "Bwana niko miongoni mwa watu wachafu, na nina midomo michafu. Ole wangu mimi kwa sababu nimemwona Mungu." Na Malaika akashuka chini, akiwa na Moto, Moto Mtakatifu kutoka kwenye madhabahu ya Mungu, na kubadilisha umbo la midomo yake; toka midomo ya mtu anayetangatanga, kuwa midomo ya nabii mwenye HIVI ASEMA BWANA. Nguvu ya Mungu ya kubadilisha umbo!

Wavuvi mia na ishirini, na-na wauzaji wadogo wa zambarau, ya wanawake, na wale walikusanyika wenyewe chumba cha ghorofani na kufunga milango, baadhi yao bila elimu ya kutosha kuandika majina yao wenyewe. Mungu aliwabadilisha umbo kutoka wavuvi, kuwa wavuvi wa watu; toka wanaume na wanawake wa barabarani, kuwa watakatifu wa Mungu, wasiokufa. Ile Nguvu ya Mungu ya kubadilisha umbo!

120 Paulo, mshiriki wa kanisa la eneo lake, Presbetarian, Methodisti, Baptisti, Pentekoste, au kitu fulani; alikwenda barabarani, akiwa na roho yake kuu ya shari ndani yake, kwamba yeeye alijua zaidi kuliko yeyote kati yao. Alikuwa amelelewa chini ya Gamalieli, mmoja wa waalimu wakuu waliokuwepo nchini. Kulitokea nini njiani akienda Dameski, kulipata kundi la watu waliokuwa wanaamini Neno la Mungu? Yeeye akiwa njiani kuelekea kule, alipigwa, na akasikia Ujumbe. Na ukambadilisha umbo kutoka mshiriki wa kanisa na mwenda kanisani; kuwa nabii wa Mungu ambaye aliandika Neno la Mungu, katika Agano Jipy. Kutoka mshiriki wa kanisa kuwa mtakatifu!

Ee, nyota inayotangatanga, hebu tumalize. Mwana anayetangatanga, Mbegu inayotangatanga, inayokwenda sehemu hadi sehemu, katika huu ulemavu; geukeni, asubuhi hii, kuwa watoto. Tafadhali mnisikie mimi kama mtu anayejaribu kusimama kati ya walio hai na wafu.

121 Nje kule nchini ambako haya yanakuja kuptitia hewani kama bado mmefungulia, ninyi ambao mmetangatanga hadi mahali hapo, nawasihi mkae kwa dakika moja zaidi. Najua muda umeenda hapa Tucson au naomba mniwie radhi, Phoenix, ni saa sita kasoro dakika ishirini. Na nimekwishakuwa na hawa watu hapa asubuhi yote. Nimekwishakuwafanya msiwe kwenye kazi zenu, na mambo kama hayo. Lakini tazama, rafiki mpendwa, mngeweza kuwa mbali na Mungu milele. Nakusihi urejee asubuhi hii. Sivyo? Kuna nafasi kwenye Chemchemi.

Katika hori zamani, najua ni hivyo hasa,

Mtoto alizaliwa kuokoa watu kutoka katika dhambi zao.

Yohana alimwona Yeye pwani, Mwanakondoo milele, Ee, Kristo, Msulubiwa wa Kalvari.

Ee, nampenda yule Mtu kutoka Galilaya, kutoka Galilaya, Kwani amenitendea mambo mengi mno..

Kwani amenisamehe dhambi zangu zote, akaweka Roho Mtakatifu ndani;

Ee, nampenda, nampenda yule Mtu kutoka Galilaya.

Mtoza ushuru alikwenda kuomba hekaluni pale siku moja, Akalia, "Ewe Bwana, nihurumie!"

Alisamehewa kila dhambi, na amani kuu ikawekwa ndani; Akasema, "Njooni mumwone Mtu huyu kutoka Galilaya." Hiyo ni sahihi.

Vilema waliwezeshwa kutembea, bubu wakawezeshwa kusema,

Ile nguvu ilinenwa kwa upendo baharini;

Vipofu waliwezeshwa kuona, najua iliwezekana tu Rehema za Mtu yule kutoka Galilaya.

Fananisha hilo na huduma leo.

Yule mwanamke pale kisimani, Yeye alisema dhambi zake zote,
 Jinsi alivyokuwa na waume watano wakati ule,
 Alisamehewa kila dhambi, na amani kuu ikawekwa ndani;
 Akalia, "Njooni mumwone Mtu huyu wa kutoka Galilaya."

122 Mwanamke, Yeye alijua. Unaona, Yeye ameusoma moyo wako asubuhi hii.
 Mwanamume, Yeye ameusoma moyo wako. Ee, mtoza ushuru, hebu tuombe!

Ee, nampenda Mtu yule wa kutoka Galilaya, kutoka Galilaya Kwani amenitendea
 mambo mengi mno.

Amenisamehe dhambi zangu, zote, akaweka Roho Mtakatifu ndani;;
 Ee, nampenda, nampenda huyo Mtu wa kutoka Galilaya

Je, huwezi kumpenda Yeye, pamoja nami, asubuhi hii? Ee, mwenye dhambi mkaidi
 unayetangatanga, hapa au nje pale ulipo, utampokea Bwana wangu asubuhi hii? Yeye ni
 Neno, na Neno limeletwa kwako. Je, huwezi kumpokea asubuhi hii? Inueni mikono yenu
 au msimame kwa miguu yenu, au kitu fulani, na uombe, sema, "Nataka kumpokea Yeye
 sasa hivi. Ndugu, ninataka, ninataka sasa hivi kumpokea Yeye." Simameni kwa miguu
 yenu, mtu yejete aliyetaka kuombewa, na useme, "Ni ..." ninamaanisha kuombewa.
 "Mimi ni mwenye dhambi. Nataka ... Mungu akubariki, bwana. Mtu mwengine? Kila mtu
 aombe sasa, kwa dakika moja tu.

Ee, katika ile hori zamani, (unajua, ulimwengu ulikuwa katika vurugu), na najua ni
 hivyo hasa,

Mtoto mdogo alizaliwa kuokoa watu kutoka kwenye dhambi zao.
 Yohana alipomwona pwani, alikuwa yule Mwanakondoo milele,
 (hivyo hivyo siku Moja)
 Ee, Yeye ni Kristo, Msulubiwa wa Kalvari.

123 Je, huwezi kumpenda Yeye leo kwa moyo wako wote, ili utoke nje ya hii hali ya
 kidunia unayokaa ndani yake? Ninyi wanawake, ninyi wanaume, ee, mmeketi hapa
 wakati wote huu kwa ajili ya nini? Inaonyesha kuna kitu fulani ndani yenu, kuna kitu
 fulani pale chenye njaa na kiu. Msingeketi hapa haya masaa mawili au matatu, mkiketi
 katika hili jengo namna hii; kuna kitu fulani. Je, huwezi tu kukitii leo? Acha mitindo ya
 kisasa na sayansi, na vitu vyote vya ulimwengu, viondoke akilini mwako sasa hivi,
 ndugu mpendwa au dada mpendwa.

Makanisa yanaungana, mataifa makuu yanavunjika, Israeli inaamka,
 Zile ishara walizotabiri manabii;
 Siku za Mataifa zinakwisha, nazimejawa na vitisho;
 "Rudi, kwa walio wako, Ewe uliyetawanyika."
 Siku ya ukombozi imekaribia,
 Miyo ya watu inavunjika kutokana na hofu;

Ujazwe na Roho, taa zenu zitengenezwe, na ziwe zinawaka Tazama juu, ukombozi
 wako umekaribia!

Manabii wa uongo wanadanganya, wanakataa Kweli ya Mungu, Kuwa Yesu aliye
 Kristo ndiye Mungu wetu.

124 Sasa, hilo ni kweli. Mnajua hilo, sisi sote, ile siku hii tunayioshi.

Lakini Yeye alisema kutakuwako Nuru wakati wa jioni, Hakika utapata njia ya
 kwenda Utukufuni.

Hiyo ndiyo siku tunayoishi sasa hivi. Nuru itang'aa wakati wa jioni tu wakati giza
 linapoingia, wakati wa utusitusi jioni, nyota ya jioni. Utusitusi wa jioni na nyota ya jioni,
 Na baada ya hilo ni giza!

Laiti pasiwepo na huzuni ya kuagana,
 Wakati hatimaye nitakapokuwa tayari kuondoka;
 Kwani wote walio nje ya uzio, wako nje ya wakati na kipindi,

Na mafuriko yanaweza kunichukua mbali, Lakini nataka kumwona Rubani wangu uso kwa uso.

Nitakapokuwa nimevuka ule ukanda wa ushindi.

Usiniambie, katika hesabu za huzuni, Kuwa maisha ndoto iliyo tupu!

Na nafsi inayolala imekufa,

Na mambo hayako kama yanavyoonekana.

Naam, maisha ni halisi! Na maisha ni amana!

Na kaburi sio lengo lake;

Kwani mavumbini umetoka, mavumbini utarudi, Haikunenwa kuhusu nafsi.

Maisha ya watu wakuu yanatukumbusha,

Na tunaweza kufanya maisha yetu bora sana,

Na kutengana, tunakuacha nyuma yetu,

Nyayo kwenye mchanga wa wakati;

Nyayo, ambazo labda nyingine,

Tukitembea kwenye njia kuu maisha ya uchaji.

Ndugu aliye poteza matumaini na ku haribikiwa,

Katika kuona, atajipa moyo tena,

Hebu tuinuke, basi, na kufanya, Tukiwa na moyo wa kukabili vita vyovoyote; Usiwe kama ng'ombe aliye pigwa na butwaa!

Uwe shujaa katika vita!

125 Mungu mpenzi, wao ni Wako. Nimewaona wanaume wawili wakisimama kwa miguu yao, Baba. Naomba, Mungu, kuwa Wewe utawachukua sasa. Wanataka kuwa wana Wako. Wameamka kutoka kwenye kutojua katika maisha yale waliyokwishayaishi, na sasa wanataka kuwa wapya, kurudia upya kwa ubatizo wa Roho Mtakatifu juu ya ile Mbegu iliyopandwa katika miyo yao siku hii. Mungu wa Milele, Muumba wa vitu vyote, Wewe uliyefanya Neno Lako, na naamini Wewe ulijua hawa watu wangefanya hili asubuhi hii. Naomba, Bwana, kuwa utanyeshea lile Neno, mchana na usiku, na kamwe hutamruhusu Shetani kuling'oa kutoka mikononi Mwako. Nautakia uwe mti ambao wakati mwengine, katika Paradiso ya Mungu, wakati yote yamerejeshwa tena, kwani Neno Lako haliwezi kushindwa, itakuwa tena. Kwani ulimwengu huu ...

126 Na hakutakuwa na namna hii ya ustaarabu katika ulimwengu ujao. Hakutakuwa na magari au chochote kile sayansi ilichowahi kufanya. Hayatakuweko mambo ya aina hiyo katika ulimwengu ule ujao. Lakini utakuwa aina ya ustaarabu wa Mungu Mwenyewe atakaouweka Yeye katika huo utawala mtukufu. Kwani, katika huu ustaarabu kuna magonjwa, kifo, huzuni, makaburi, na shida. Lakini katika ule Ufalme ujao, hakuna kifo, hakuna huzuni, hakuna ugonjwa, hakuna uzee. Ewe Mungu, yote yatakuwa mapya huko, katika ustaarabu Wako.

Mungu, tubadilishe umbo leo, kwa Nguvu Yako, kwa kufanya upya akili zetu, tugeuke kutoka kwenye hivi vitu haba vya ulimwengu huu wa sasa, kuja kwenye Neno la Mungu. Na hebu tufanywe wapya kwa Nguvu ya Mungu ya kubadilisha umbo juu ya Mbegu iliyio katika miyo yetu, kwamba tunaamini, hadi kufanyika kuwa viumbe viitwavyo wana na mabinti wa Mungu. Hili ni ombi langu Kwako, Baba, kwa ajili ya watu, katika Jina la Yesu. Amina.

127 Sasa kwenu ninyi mnaosikiliza kutoka hewani, popote mlipo, nawataka ninyi mumpokee Kristo nje kule, kama Mwokozi wako binafsi, na mjazwe kwa Roho Wake. Yale maneno yaliyosemwa aubuhi hii, hebu yadondoke miyoni mwenu. Na hebu mumpokee Yesu kule. Na mtazame maisha yenu, na muone kile mtakachoishi baadaye. Na mchukue Chujio la mtu mwenye akili hapa. Unapo jiona mwenyewe ukifanya jambo fulani lililo kinyume na hili Neno, ondoka kwenye hilo, haraka kabisa. Unaona? Kwa sababu, kuna Chujio linalowe ka kifo mbali na wewe, hilo ni Neno la Mungu. Maneno Yake ni Uzima, na yatakuue pusha na kifo.

128 Na kwenu ninyi watu hapa sasa mlion kwenye ukumbi, nimewaweka hapa kwa muda

mrefu. Nawashukuru kwa mahudhurio yenu. Na naomba kuwa Mungu kamwe hatairuhusu hii Mbegu ife. Natumaini hamdhani nasimama tu hapa kusema haya mambo ili kutofautiana. Nilisema hilo kwa sababu ya upendo; na nikijua kuwa ni wakati niwapo katika mwili huu upatikanao na mauti, kama nilivyo sasa, ndio wakati pekee nitakaoweza kuwahubiria watu. Na nampenda Yesu Kristo. Yeye ni Mwokozi wangu. Na kumbuka, ningekuwa nje kule barabarani kama isingekuwa kwa ajili Yake. Ningekuwa nje kule; wazazi wangu wote, watu wangu wote, walikuwa wenyе dhambi. Lakini Mungu, kwa Nguvu Yake ya kubadilisha umbo, najua ilinifanya mimi kuwa kiumbe tofauti. Na naweza-naweza kulipendekeza Hilo kwako kuwa ni jema, ili uwe mzuri. Na itakulinda katika wakati wa shida. Hata kufani, mlangoni, huna hofu. "Hakuna chochote kinachoweza kututenganisha na upendo wa Mungu, ulio katika Kristo." Mungu awabariki kila mmoja wenu, na awape Uzima wa Milele.

129 Wangapi ndani hapa ambao hawana Mbegu ya Mungu, ule ubatizo wa Roho Mtakatifu? Ugeinua tu mkono wako useme, "Nikumbuke, Ndugu Branham, kuwa nitampokea yule Roho Mtakatifu." Sasa uchukue lile Neno katika-katika moyo wako, na uliamini Hilo. Sasa ikiwa ... Unaweza kujitazama. Nenda juu ukajitazame kwenye kioo, na unaweza kuona pale ulipo. Unaona, unaweza kuju.

Unasema, "Vema, sikuinua mkono wangu, kwa sababu naamini mimi ninao."

Jitazame mwenyewe kwenye kioo, ndipo uone ile aina ya roho inayokudanganya, unaona. Kufikiri kudanganyifu! "Kuna njia ionekanayo sahihi mbele ya mtu, lakini mwisho wake ni njia ya kifo." Hilo ni kweli?

Chini pale Msalabani Mwokozi wangu alipofia,
Chini pale nilililia utakaso toka dhambini;
Ee, pale moyo wangu ulipopakwa Damu;
Utukufu ...

130 Fumba macho yako tu, kwa dakika moja sasa, na umwimbie Yeye tu huo. Hebu tuinue mikono yetu juu.

Utukufu kwa Jina Lake, Jina Lake la thamani!
Utukufu kwa Jina Lake!
Pale moyo wangu ulipakwa Damu;
Utukufu kwa ...
Nawataka ninyi Wakristo kushikana mikono, ninyi kwa ninyi, nyie mlionkolewa.
Nimeokolewa kutoka dhambini kwa njia ya ajabu mno.

Yesu hukaa ndani yangu kwa upendo, Pale msalabani Yeye aliponiingiza ndani, Litukuzwe Jina Lake!

Jina Lake litukuzwe, Jina Lake litukuzwe! Litukuzwe Jina Lake! Ee, pale moyo wangu ulipopakwa Damu; Jina Lake litukuzwe!

131 Ile Damu ina chembechembe ya Uzima ndani Yake, unajua. Hii ni kwa wale wasiomjua Yeye.

Ee, njooni kwenye hii Chemchemi nzuri na ya kupendeza;

Tupa nafsi yako dhaifu miguuni pa Mwokozi; Yake Ee, tumbukia ndani Yake leo, ili ukalishwe; Jina Lake litukuzwe!

132 Unampenda? [Kusanyiko linasema, "Amina." -Mh.] Paulo alisema, "Nitaimba katika Roho. Nitamwabudu katika Roho." Hebu tuimbe kwa utulivu hasa tena, mikono yetu ikiwa juu.

Unajua, tatizo lake, sisi watu wa Kipentekoste, tumepoteza misismko yetu. Kama Billy Grahamu alivyosema usiku ule mwingine, "Wale wahubiri, wenyе kosi zilizogeuzwa, wakitelemka kwenda Kusini, wakipiga makofi, na kupiga miguu yao juu na chini ardhini, na wakiseta chini miguu yao, walikuwa na kitu fulani walichokifurahia." Vema, naam, nina Kitu Fulani ninachokifurahia. Unaona? Unaona? Naam. Naam, tumepoteza msisimko wetu.

Sasa hebu tuinue mikono yetu. Msihofu juu ya machozi, hayatadhuru chochote,

unaona. Hayo hayadhuru. "Yeye apandaye kwa machozi, bila shaka atarudi tena, akileta miganda ya thamani." Vema.

Jina Lake litukuzwe, Jina la thamani!

Jina Lake litukuzwe! Pale moyo wangu ulipakwa Damu; Jina Lake litukuzwe!

Jina Lake litukuzwe ... (Ewe Mungu! Mungu asifiwe!) Jina Lake litukuzwe!

Zamisha ile Mbegu, moyoni Bwana!

Moyo wangu ulipakwa Damu; Jina Lake litukuzwe!



www.messagehub.info

Mahubiri Na
William Marrion Branham
"... katika siku za sauti ..." Ufu. 10:7